

**EIGHTH LEGISLATIVE ASSEMBLY OF MIZORAM
(FOURTH SESSION)**

LIST OF BUSINESS

FOR SECOND SITTING ON WEDNESDAY, THE 20th NOVEMBER,
2019
(Time 10:30 A.M. to 1:00 P.M. and 2:00 P.M. to 4:00 P.M.)

QUESTIONS

1. **Questions** entered in separate list to be asked and oral answers given.

**CALLING ATTENTION TO A MATTER OF URGENT
PUBLIC IMPORTANCE**

2. **Pu LALDUHOMA** to raise a Calling attention to a matter of urgent public importance under Rule 59 of the Rules of Procedure and Conduct of Business in Mizoram Legislative Assembly regarding import of Animals.

LAYING OF PAPERS

3. **Dr. R. LALTHANGLIANA**, Minister to lay on the Table of the House a copy each of the following :
 - i) The Mizoram Khadi and Village Industries Board (Amendment) Regulations, 2017”.
 - ii) The Mizoram Khadi and Village Industries Board (Recruitment) Regulations, 2018”.
 - iii) The Mizoram KVI Employees (Pension) (Amendment) Regulations, 2019.
 - iv) The Mizoram Clinical Establishments (Registration & Regulation) (Amendment) Rules, 2019.
 - v) Bye Law of the Mizoram Institute of Medical Education and Research 2018.
4. **Pu TJ. LALNUNTLUANGA**, Minister to lay on the Table of the House a copy each of the following :
 - i) The Mizoram Prevention and Control of Water Pollution (Procedure for Immersion of Idol) Rules, 2019.

- ii) The Mizoram Wood based Industries (Establishment & Regulation) (Amendment) Rules, 2019.
- 5. **Er. H. LALZIRLIANA**, to lay on the Table of the House a copy of Statement of Action Taken by the Government against the Recommendations contained in the Third Report of Subject Committee-I relating to Excise and Narcotics Department Government of Mizoram.

PRESENTATION OF REPORTS

- 6. **Dr. F. LALNUNMAWIA** to present to the House a copy of the First Report of Subject Committee-II relating to Mizoram Engineering College under Rashtriya Uchchater Shiksha Abhiyan (RUSA) under Higher & Technical Education Department Government of Mizoram.
- 7. **Pu L. THANGMAWIA** to present to the House a copy of the Second Report on Action taken by the Government on the Recommendations contained in the First Report of Committee on Papers laid on the table.

LEGISLATIVE BUSINESS

Bills for introduction, consideration and passing

- 8. **Pu ZORAMTHANGA**, Hon'ble Chief Minister to beg leave of the House to introduce "The Mizoram Protection of Interests of Depositors (in Financial Establishment) Bill, 2019."

ALSO

*to introduce the Bill
to move that the Bill be taken into consideration
AND
to move that the Bill be passed.*

- 9. **Pu ZORAMTHANGA**, Hon'ble Chief Minister to beg leave of the House to introduce "The Mizoram Transparency in Public Procurement (Amendment) Bill, 2019."

ALSO

*to introduce the Bill
to move that the Bill be taken into consideration
AND
to move that the Bill be passed.*

S.R. ZOKHUMA

Commissioner & Secretary

....

SPEAKER : Sual ngam chein awm suh la, Thatnain sual chu ngam zawk rawh.
Rom 12:21

Zawhna leh chhanna ah kan kal nghal ang a, Starred Question No. 21-na zawt turin Member zahawm tak Pu Nihar Kanti Chakma kan sawm e.

Pu NIHAR KANTI CHAKMA : Pu Speaker, ka lawm e. Ka zawhna Starred Question 21-na, Minister zahawm tak Food, Civil Supplies and Consumer Affairs chhan atan - Tlabungah engtik ah nge petrol pump dah anih ve theih ang?

SPEAKER : Chhang tur in Miniter zahawm tak Pu K. Lalrinliana i lo sawm ang.

PU K. LALRINLIANA : Pu Speaker, Member zahawm tak Pu Nihar-a zawhna chhanna chu : Tlabunga petrol pump dah hun tur chungchang ah Sorkar in thuneihna a nei lo a. Hemi chungchang IOCL hotute hnen atang a hriat dan chuan tun Financial Year 2019 atang a 2020 inkar chhung hian hawn beisei a ni.

SPEAKER : Zawh belhna zawt turin a zawhna neitu Pu Nihar Kanti Chakma i lo sawm ang.

PU NIHAR KANTI CHAKMA : Pu Speaker, Tlabung pawimawhna chu kan hre vek a. Thu tam tak sawi lo ila. Hei, Tlabung hi Sub-Division zinga Mizoram a upa ber a ni a. Hei, mipui te pawh an pung chho zel a, motor te pawh a pung chho zel ani a. Kan hnaih ber petrol pump chu Lunglei ah ania, Tlabung atangin 78 km lai a ni a. Department hrang hrang an awm nual tawh a, petrol pump mamawhna a nasa tawh khawp mai a. Hemi petrol pump bun tur hi a ri kan hriatna a rei tawh a, kan mamawh nasa hle a ni. Chuvangin border area a ni bawk a, eng Company nge rawn ding dawn tih hi ka la sawi thei miah lo a. Minister zahawm tak hian min hrilh thei em? Tun thlengin engmah inbuatsaihna pawh a la awm miah lo a, a rawn ding ang, a rawn ding ang tih ringawt hi kan hria a, mahse tun thlengin engmah inbuatsaihna pawh a la awm lo a. A hma thei ang bera petrol pump hi Tlabungah a awm theihna turin hmalak dan a awm thei em tih ka zawt a ni e.

SPEAKER : Member zahawm tak Dr. Vanlalthlana, chu mi zawh ah Er. Lalzirliana.

Dr. VANLALTHLANA : Pu Speaker, ka lawm e. Tukin zingah kan vengah gas an rawn sem a, kan nula kan lak tir a, subsidy kan lak loh avangin Gas Card photocopy ken a ngai lo a. Amaherawhchu a sem tu ten in la theilo ang an lo ti a. Chutah, inah a han haw chho a, ka awmlloh avangin, an tir thla leh a, subsidy kan lak loh thu sawi rawh an ti a. A sawi tawh hnu ah pawh MLA ta tur ania a tih khan mipui rawngbawl tur ani a tiin a lo hau hrep a, kan nula phei chu i va zaktheilo ve a lo ti a. An ni hi mipui rawngbawl tur zawk an ni a, khatiang kha an attitude anih chuan a neitute attitude phei chu a hriat viau in ka ring a. Ka lungawi lo khawp mai a, Gas bukna an ken leh ken loh ka zawt a, an keng lo a. A dangah, a piahah ka kal leh a, a bukna an neih leh neih loh ka zawt a, an lo nei a, motor hmaah, thutna hnuaih an dah a, a la adjust thiamlo lehngthal a driver in. A piah ah ka kal leh a, thutna hnuaih ah an dah leh a, an dahchhuak lo a. Buk duh tan duh chuan buk thei tur an ni a. Tukin zingah ka teikual avangin chaw pawh ei hman lo in hetah ka rawn tlang a ni a. Mipui rawngbawl tur an ni zawk a, chuvang chuan Gas Agency te hi kan Minister hian titi pui se ka duh khawp mai. Tin, Gas chungchangah mipui te kan na a, LPG chungchang ah te, POL chungchang ah te pawh kan na a. MLA-te hi mipui te nat rualin i na ve ang u, tih ka sawi duh a ni. Tun kum nga kan neih chhung hian mipuite tan hian i fight ang u. Kan sorkarna changtu te phei chu an mawhphurhna a lian zual. Chuvang chuan mipuite nat rual a na thei turin tan i la ang. Chutah chuan ka zawh duh chu - Photocopy dil lo tura hriattirna hi Department khan an pe chhuak em? tih ka zawt a. Tin, Mizoram Consumers' Union in Department hnenah Vairengte Oil Depot bul leh Bilkhawthlira Buhchang pengah khuan petrol te pawlh dal a ni thin a ti a hmala tura Department an ngenna kha bawhzui a ni tawh em? tih leh LPG chungchangah Marketing Discipline Guidelines 2018, nikum November ni 1 atanga hman tan tur tih kha Mizoram ah hian hman tum a ni em? Chu Guidelines ah chuan Home-delivery hi a tel vek a, tuna cheng 823 leh duli, chubakah cheng 7.53 additional charge a kan chawi ah hian Home-deliver a tel vek tawh a. Hemi Marketing Guidelines hmang hian Department hian hma a la zel dawn em? tih kan zawt e.

SPEAKER : Rawtna leh zaghna te a pawlh a ni maw? Member zahawm tak Er. H. Lalzirliana i lo sawm ang?

Er. H. LALZIRLIANA : Pu Speaker, ka lawm e. Ka zaghna chu heihi a ni : Mizoramah hian POL Depot kan la nei lo a. Heihi neih tuma hmalakna a awm em? tih leh LPG Bottling Plant hi capacity hniam te hetilai Mualkhangah kan nei ve a, heihi Company dang a ni emaw, Bottling Plant kan neih sa khu tih len tumna maw emaw hmalakna a awm em tih Supply Minister chhan atan kan zawt duh a. Tlem han sawi belh lawk kan duh a, hei All Industries PSU ho hi keima mimal ang pawh hian ka lo titi pui ve fo tawh thin a. An ni hi chuan Mizorama establishment rawn neih te an hreh miah lo a, amaherawhchu a hmunhma leh supply chain a smooth theihna tur atan Rail fed an mamawh thin a, chuvang chuan hmunhma hi an duh a ni deuh mai a. Tun dinhmunah phei chuan hei Rel te pawh chhuak maihei turin kan beisei tawh a ni a, chuvang chuan hetah hian hmalakna a la awmlo anih phei chuan nasa lehzual a hmalak ni thei ta se la tih kha kan sawi belh leh a ni e. Ka lawm e.

SPEAKER : A zaghna neitu zaghna kha Minister in a rawn chhang tawh a. A department a ni lova. Chuti chung chuan kan Minister te hian ngaihruatin lunglen a hril chang chang tiin an va zawt thin a. Chhan theih ang ang chu a chhang a. Gas chungchang te nen, tuna mi te nen khan. Chhang turin Minister i lo sawm ang.

PU K. LALRINLIANA, MINISTER : Pu Speaker, ka lawm e. Zaghna neitu, Pu Nihar-a zagh belhna kha eng company nge petrol pump rawn bun tur tih kha IOCL te an ni a. Vawiin zinga phone a min rawn hrilh leh dan chuan December 10 atanga 15 inkarah hian a hmunhma en fel turin an lo kal ang a. Chumi hnuah chuan letter of intent an pe ang a. Tun financial year chhung chuan hawn kan la tum tho a ni tiin min chhang a. Chu chu kan chhan theih ni se.

Member zahawm tak, Pu Vanlalthlana zaghna LPG subsidy chungchangah khan department lam chuan thuchhuah te pawh kan nei tawh a. LPG subsidy an rawn pek let loh avanga harsatna nei chu department ah te, distributor te hnenah te hriattir thin tur tiin thuchhuah te kan siam tawh a.

Harsatna nei chuan hriattir thin ni se tih kha ka han sawi belh duh a. Tukin zingah kan MLA zahawm takin gas lak chungchangah harsatna a nei a, a pawi khawpin ka hria a. Hemi chungchang hi, a bik takin kan Legislators te pawh hman lo tak tak an ni a. Khatianga distributor ten an lo tih kha kei pawhin anmahni ko in a tul angin action ka lo la ang tih kha ka sawi duh a ni. Zawhna zawh belhna pakhat, Agency te photo copy chungchang pawh kha hma kan lo la ang e, tih kha kan han sawi theih ni se a tha ang e.

Petrol pawlh dal chungchange hmalak, sorkarna kan chan tirh atanga report kan dawnah hma kan la a. Kan Home Minister hovin, committee te pawh neih a ni a, Kolasib District a kan SP te leh kan DCSO te nen a hmunhma te zuk enin, an sulhnu engemawzat zuk man chhuah niin tunah hian enthlak mekin an awm. Tlem chuan a ziaawm phah deuhin kan hria a. Chu chu kan han chhan theih ni se.

Marketing guidelines, home delivery chungchang te pawh kan kalpui mek a. Home delivery chungchang hi zawh belhna a rawn awm hi a lawmawm hle in ka hria a. Mizoram mipui te hian home delivery hi kan tipuiting thei lo ang a, gas hi kan nghei ang tih hi an hlau emaw ni kan ti zawk thin a. A nihna takah chuan home delivery hi consumers te right a ni a. Kum 20 chuang kaltaah khan kei pawh Consumers Union ah ka awm thin a. Kan buaipui nasa a. Khatih lai khan home delivery atan hian cheng 6 rate a ni thin a. Tunah chuan cheng 25 a ni tawh an ti a, consumers te thawh belh ngaih chhan pawh hi, mipui ten kan la hlauhthawn avang hian distributor te nen in siam rem in, pilot project atan veng thenkhat kan buatsaiah a, College Veng a kan kalpui tak kha kan hre tho in ka ring a. Consumers eng emaw zat kan neih lain mi 160 bawr vel chauh khan home delivery an duh thu kha an rawn sawi a ni. Chumi a nih chuan delivery boy in hlawh nei lo tawp a an kal ai chuan tiin inremsiamnain kan kalpui rih a. Chuvang chuan a rate kha consumers te khan han pek belh rih phawt se kan ti a. Nakinah chuan a thatna kan hre tam ang a. Delivery boy te pawh khan ni khatah bur 100 te sem tur an neih chuan mipuiin kan thawh belh ngai lo pawh hian kan la kal theih kan ring a.

Kolasib ah pawh pilot project kan han ti chhin a. Chutah chuan Aizawlch cheng 70 a nih lai khan cheng 55 tih belh tur chauhin kan kalpui

thei dawn niin kan hria a. Hei hi nakin zelah pawh kan House Member zahawm tak tak te hi mipuite hrilhhretu ni thei ila tih kha ka han sawi tel duh a ni a.

Member zahawm tak, Pu Zira zawkna, gas te, oil te stock na hmun tha, oil depot leh gas bottling plant dah thar tumna a awm em tih kha kan han buaipui mek a. Kan Chief Minister zahawm tak kaihhruaina hnuaih ruahmanna kan han siam a. A phalna in Central ah a zuk kal tawh hnu ah kan zuk kal leh a. Union Minister, Dharmendra Pradhan-a te pawh zuk hmu in, Mizoramah kan neih loh dan ka han report khan ani pawhin Mizoramah hian tih ngei ngei a ngai a ni tiin hmalakna tur atan Company te pawh lo hrilhin, kan zin hnuah pawh IOCL te a lo hrilh a, meeting te neiin kan Chief Minister Office ah te pawh meeting kan nei a. A ram kan pek tur chungchang te pawh kan buaipui a. Sairang-Sihhmui Rail Fed ah khuan neih theih dan kan han zawng phawt a.

A ram leina tur rate hi a lo sang em em mai a. Per square feet ah cheng 500 te, 700 te a lo ni dawrh dawrh mai a. Chuvang chuan hemi kawngah hian IOCL te leh a sorkar ang pawhin a buaithlak mang e kan ti a Hmun zawl tha, plain area han zawng ila kan han ti a kan han dap a. Tun hma atangin Bairabi ah IOCL te hian ram chhete an lo nei a. A hmunhma te kan han en felin sorkar ram hmun 2 ah a lo awm a. Commerce & Industry Department leh PWD Department ram ni a lang a awm a. Chung te nen han en in, mimal ram pakhat lei belhin tunah hian Road Fed in bottling plant hi kan kalpui phawt ang a. Chumi bul zelah chuan Rail Fed a tih turin a lo berah metre 750 vela thui a ngaih vangin, a siam hun chhung a rei dawn a. Road Fed a han tih hmasak phawt a, acre 35 bawr vela zau han tih fel hmasak a, gas bottling plant lian chu neih theih kan tum a. Tuna Mualkhang a kan neih hi neih tlak a ni tawh lova. Security thil ah pawh a him lova. Chuvang chuan kangmei chhuak leh thildang puak thei thil dang lakah pawh a him zawkna tur atan a hmun hi sawn ran pawh a ngai tawh a. Chuvang chuan kan han buaipui a. Rail Fed erawh hi chu muangchang deuh zawka kalpui a, a ram te pawh tih fel te te a ngai phawt ang a. Chumi chungchangah chuan Oil Compamy te nen kan in dawr reng a, meeting-te pawh tun hnuaih kan nei a, anmahni te pawh lo kalin a hmunhma te pawh vawi thum (3) lai kan en tawh a ni. Chutiang chu a

dinhmun a ni a, reiloteah Bottling Plant hi chu kan neih theih kan ring. Tin, Oil depot kha Vairengte a mi khu kan ni hnih nit hum tla pawh a tling tawh lo a ni. Chutiang chu a nih avangin Bairabi ah bawk a hmun ngaiah a pahniha neih kawp theih tur a kalpui turin tan kan han la chho a, a hmunhma te pawh enfelin, Oil Company te pawn chu chu an duhthusam a lo ni ve tho bawk a kan indawrna a kalmek e. Tin, kan khaihlak hun chhung pawh a kan awlsam zawk theih nan Vairengtea Oil Depot pawh khu tlema han tih len deuh hlek remchang lai ram awmsa a awm avangin chungte pawh chu kan buaipui mek a ni tih kha kan han chhan theih nise. Pu Speaker, ka lawm e.

SPEAKER : Starred Question No. 22 na hi mi pahnih in an zawt a, member zahawmtak Pu Vanlalhlana leh member zahawmtak Dr.Vanlalthlana ten an zawt a, a upa zawk, senior zawk member zahawmtak Pu Vanlalhlana zawt turin i sawm ang.

PU VANLALHLANA : Pu Speaker, ka lawm e. Dr.Vanlalthlana nena kan zawhna starred question No. 22 na Minister zahawmtak Higher & Technical Education changtu Minister zahawmtak chhan atana zawhna chu –

- (a) RUSA hnuiah Mizoram College hrang hranga thawk turin Asst.Professor engzatnge lak anih? Department wise in min hrilh theiem?
- (b) RUSA hnuiai Asst.Professor lak tharte posting hi merit system hmanga tih a ni em?
- (c) Hman a nih loh chuan eng system nge hman a nih? tih a ni e.

SPEAKER : A chhang turin Minister zahawmtak Dr.R.Lalthangliana kan sawm e.

Dr.R. LALTHANGLIANA, MINISTER : Pu Speaker, kan member zahawmtak Pu Vanlalhlana leh Dr.Vanlalthlana te zawhna chhanna chu –

- (a) RUSA hnuiah Mizoram College hrang hranga thawk tur lak tawh zat chu mi 65 (sawmruk panga) an ni a. Department wise a lak zat chu hetiang a ni –
 - 1) BCA - 1
 - 2) Botany - 3

3)	Chemistry	-	2
4)	Commerce	-	4
5)	Economics	-	3
6)	Education	-	6
7)	English	-	10
8)	Geography	-	6
9)	Geology	-	1
10)	History	-	1
11)	Law	-	3
12)	Mizo	-	10
13)	Physics	-	1
14)	Pol.Science	-	6
15)	Psychology	-	1
16)	Public Admn.	-	1
17)	Socialogy	-	1
18)	Zoology	-	1
19)	Life Science	-	1
20)	Hindi	-	3
	Total	-	65

(b) RUSA hnuia Asst. Professor lak tharte posting hi hmun thenkhatah chuan merit system a tih a ni a. Tin, candidate te residential address mil tura siam rem a awm nual bawk. Tin, Sorkar hnathawk te posting place siam rem chungchang hi Competent Authority thuneihna liau liau a ni e. Chutiang chuan kan kalpui a ni. Hei bakah hian natna lian tham tak tak nei te loh theih loh a consider tur ang chi te avangte pawh khan ngaiantuahna kan nei bawk thin a ni.

(c) A chunga mi (b) chhanna khi a ni e.

SPEAKER : Zawhbelhna zawt turin member zahawmtak Dr.Vanlaltanpuia kan sawm e.

Dr.VANLALTANPUIA : Pu Speaker, ka lawm e. Kan Minister hnena zawh belhna ka pek duh chu RUSA sum a sak Mizoram Engineering College, Pukpui ami hi engtikah nge class tan theih a nih ang? Tan theih lohna daltu lian engnge ni? tih ka zawt a.

Pahnihna ah chuan Session hmasaah khan Pu speaker ka sawi tawh a, Mizoram in Engineering College kan neih that ber NIT chungchang kha ka sawi chhuak a, kan Director-te pawh a service a that tawk lohna te pawh kan sawi chhuak a, kha kha hmalak a ni em? NIT hi tun dinhmunah eng tiangin nge a function? Hmunhma te an nei tha tawh em? Engtinng e an building sak chungchangte a kal zel, tih te ka zawt e.

Dr.VANLALTHLANA : Pu Speaker, ka lawm e. Tuna College Principal lak thar chungchangah khan a ni a, MPSC lamin UGC dan tlawnchhanin 55% Master Degree atangin ngaihhnathiamna 5% pekin 50% chinin dil theih ni rawh se an ti a. Amaherawhchu, Department lam in 55% chin chauhin an dil thei ang tiin Order an chhuah an ti a. Hei hi Department lam hian dan an nei sa reng nge? A remchang zawk e, tiin an hmang ta tih ka zawt e?

SPEAKER : Member zahawmtak Pu C.Lalsawivunga kan ko ang a, Pu B.D.Chakma, i tlai a ni. A zawhna neitu PU Vanlalhlana kan sawm leh ang a, pakhat angah kan ngai ang.

PU C.LALSAWIVUNGA : Pu Speaker, ka lawm e. Minister zahawmtak Higher & Technical Education Department chhan atana ka zawh belhna chu 8th October nitin Chanchinbu a kan lo hmuh Hnam Runah kan Minister zahawmtakin a sawi “ Hindi Teacher 1305 ban takte Ministry of Human Resource Development in a chhawr chhunzawm tur thu, chu chu karhnih/thum chhung a tihfel an beisei thu te a lo lang a. Hei hi Hindi Teacher ban takte tana lawmawm tak ni turah ka ngai a, ka lo lawmpui em em a ni. Tichuan, heng Hindi Teacher ban tak te chhawrzui leh tur tih leh kar hniih/thum chhung a tihfel mai tur anga kan Minister thusawi Chanchinbu in a rawn tarlan hi eng chen nge hma lak a nih tawh? Engtikah nge a taka tih hlawhtlin a nih ang tih kha ka zawh belhna a ni e.

SPEAKER : Ngawi rawh aw, mi pathum kan ti a, pathum in ding ang a, tun a mi kha chu School Education a nih avangin a chhang thei lo anga, zawhna awm lo angah i ngai mai ang. Zawhna neitu member zahawm tak Pu Vanlalhlana i sawm ang.

PU VANLALHLANA : Pu Speaker, ka lawm e. RUSA hnuiah Associate Professor te Asst. Professor te 65 lak an ni a, hei hi fel takin Public Service Commission kaltlang a lak an ni a. Posting thuah khan kan Minister zahawm takin a sawiah khan Home/Residential Address an pek a zir a posting a nih thu te Competent Authority ten tha ni a an hriat te, thenkhat chu natna khirh tak an vei avang a remchang zawkna avanga posting te siam niin a lang a. Chutiang ni si English department-ah te Merit a tling bawk si person with disabilities pakhat candidate tling ve a awm a, chu ang te chu Aizawla awm awm tak Aizawl pawnah dah an ni lawi te ang te kha a qualified lo em ni? Tin, Commerce ah te, merit hi commerce ang ni lo kha mi lecturer lak hrim hrimah hian merit hi ngaih pawimawh a ni lo deuh angin a lang a. Commerce Department ah te Economics ah te Geography ah te Pol.Sc. leh Department thenkhatah merit list a No. 1 ang kha Aizawl pawnah dah deuh vek anni. Chutih rualin merit list-ah pawh a hnunglelam 5-na te 4-na te ang te kha Aizawlah dah an ni leh bawk si a, chuvangin a posting chungchangah hian merit hi kan kalpui niin a lang lova. Amaherawhchu kan Minister zahawm tak khan Competent authority te leh an Residential address te natna khirh tak an vei avang a posting hi siam rem a ni a ti a. Merit hi ennawn leh se a tha lawmnii, a theih ang em, kha kan zawhbelh a ni.

S P E A K E R : A thei ang anga chhang turin Minister zahawm tak i lo sawm ang.

Dr. R.LALTHANGLIANA, MINISTER : Pu Speaker, kan member zahawm tak thenkhat zawhna kha a karkik deuh hlek a, tunah zawhna zawt tu tak Pu Hlana zawhna kan han chhang nawn leh ang a. Posting chungchangah hian a hrim hrimin MCS te pawh kan recruit thin a Superintendent te pawh direct recruit te pawh a awm a, direct chiah lo promotion te pawh a awm thei a. Ka hriatsual loh chuanin purely merit a tih ngawt hi a remchan lohna a awm a, kawng lehlamah chuan prime posting kan tih a tha kan han tih Aizawl khawpuia awm duh vek mai hi kan ni a, a theih ta lova. Tin, kawng leh lamah chuan education-a ka ngaihdan fel ve deuh ka neih chu tlang deuhin ka sawi duh a. Thingtlang a kan College thenkhat Champhai te hla tak tak Siaha te Lawngtlai te leh Kolasib, Mamit, Aizawl pawnah kan nei nual a, heng a tlem a a thiam deuh kan han dah te pawh hi zirna atan khan a tha lo emaw ni le tih

ngaihdan hi ka nei a ni, mimal takin tha kan ti leh tih loh chu ka hre lo a, chu lai te pawh chu kan ngaihtuah thlen ve a ngai reng. Chu chu education chauh lo ah pawh hian posting procedure kan kalpui deuh te pawhin ka hria a. Hmanah MCS pakhat (Pu Vanlalhlana : ..a ni lawmni engnge a that bikna tur, an exam a interview te an nei a, a tha vek an ni a, tute maw kha qualified lova hmundanga dah tur bik an ni dawn em ni) Kan tih zawk a chu engemaw pakhatna kha Aizawl chang tur zawk ngaihdan deuh kan han neih ang chi kha a awm len avang a nia kan tih....

S P E A K E R : Thingtlang bialtu an thawm a tha riau mai a.

Dr.R. LALTHANGLIANA, MINISTER : Eng a pawh ni se la tun tuma kan lak hi RUSA hi a tam tham a, chubakah chuan hei kan Chief Minister-in min hriatthiampui em em avang khan part time engemaw zat contract a an han kal chho nen khanin a posting a hi a mass posting ti mai ila a tam tham a, a za tel tah khan thil tihfuh lohlai pahnih khat hi chu a awm hrim hrim ang tih ka ring a, heihi chu kan lo hre zui turah ngai ta ila system fel zawk ngaihtuahna kan la hmangzui zel turah ngai ta ila tih kha zawhna neitu ber a ni bawk a, kan chhang ni ta sela. Tin, Dr. Thlantea zawhna neitu tho ina hemi recruitment ah hianin kan dan hman chungchang lai a rawn sawiah khan kan fimkhur ve khawp a, ka hriatsual loh chuan. MZU te nen hian hei MZU tih chu UGC tihna tlukah kan ngai a, mumal takin heti zawng hian ani dawn lawmni tiin ngaihtuahna kha kan nei nasa a. Tawngka mai niloin a chang chuan telephone mai niloin kan ko chho a. Tichuan MPSC te nen kan department chungchang bik tur angah hi chuan fimkhur takin kan ti thin a. A bik takin teaching bikah hi chuan kan lo awm ve tawh avangin uluk a ngai ani kan ti a. Chumi avang chuan tihfuh loh deuh hlek te pawh hi a chang chuan a awm ve bawk a ni, eng pawh ni se la khalai kha chu hun lo la kalzel turah tha zawkin ngaihtuahna kan sengzui turah ka beisei tih kha ka chhanna ni se la a that ka ring a.

Dr. Vanlantanpuia Lunglei North bialtu zawhna kha teacher lampang kan sawi lai khan Engineering College ah min luhpui a, ka inring lutuk hran lova. Amaherawhchu Session hmasa khan kan chai nasa a, sawrkar hmasain Pukpuiah Kawmzawlah Engineering College a din a. Hei kan Subject Committee te pawh hianin tum hniih nge an en ta in ka hria tun hnaiah pawh

finding engemaw mumal tak te pawh an nei a, thil buaithlak ta ber hi chu a building hrim hrim chu sak zawk a ni, approach road mumal a awm lo, electrification tunah hian engmah tih mumal awm loin tui a thleng lo bawk a. Tin Engineering College tih dawn chuan faculty engemawzat a ngai, chubakah kha Engineering College equipment teaching equipment te Library tur te leh thil tam tak pawisa crore 10 dawn lai kha a ngai a ni tih chhutchhuah vek a ni a. Hei hi kan C.M. zighthawm tak pawhin min hriatpui a, Sawrkar hmasa hun lai khan engkim mai felfai deuh khan khalaiah khan an ngaihtuah thui lutuk thei biklo nge ni ka hre lova. Chumi a burden harsatna chu kan tawk a engpawhnisela kei leh kei lo angin kan C.M. pawhin min ngaihtuahpuiin ka hria a. Hei hi hawn vat te pawh kan duh amahrawhchu kan la tlin theih chiahlo a ni tih kha ka chhanna ni ta mai sela a thain ka hria. Tin, NIT hi tunah hian Lengpuiah khuan kumnga kum ruk kalta atang khan dintur a hmalak a ni a, ralkhat atanga en pawh a lang a, harsatna lian deuh mai tuna kan tawh lai tak hi chu environment clearance ti mai ila, a awmzia chu nimin maiah pawh kan han sawi Tlawnglui a thlangah a luang a, chuta tanga reverine reserve forest area inrawn bawhchhia a ni tih kha hei kan Sawrkar hma daih tawh atang khan an rawn question a. Chu chu Government of India beng pawh a thleng a, tin Mizoram Forest beng a thleng bawk a an han chhut a chawitir tura an han tih kha a tam khawp mai a, vaibelchhe hnih vel niin ka hria a. Chu harsatna chu an tawk a, hun kal tawh a thil eng engemaw fel tawklo deuh helaiah hian a awm niin ka hria a, an mahni te pawh hi ka ko tawh a. Engpawhnisela State Sawrkar funding hi a nih loh avang khan tlemin duh ang ang hian kan ching let thei lutuk bik lova. Eng pawh ni se la harsatna an tawhna lai bik a kha Forest Clearance pek tur chuan an thin na kha pek a ngai a ni tih te a ni a. Engpawhnisela, Chief Secretary hovin an sawi tawh niin ka hria a tunhnaiah, report kim chang erawh chu ka hre chiah lo tih kha ka chhanna a ni.

Kan Member zahawm tak Pu Sawivunga zighthna CSS Hindi Teacher hi a thuphung chuan kan sawi a, 1350 sorkar hmasa in an ban lak let lehna hawi zawng kha chu kan Education Minister zahawm takte zuk tih dan pawh kha a ni lova. Engpawhnise, nakinah an sawifiah thiam zawk turah ngai ila. Kan hnenah hi chuan CSS Hindi zirtirtu

hrim hrim hi induh anih chuan dil mek a ni tih pawh kan hria a. Higher & Technical Education changtu ka nih avangin ka kut a ni lova, engemaw min han hrilh ve chin lai kha kan nei a ni mai a. Kan CM te Education Minister ten tan an la a, engemaw hlawhtlinna pawh kan hmu niin ka hria a ni. Kha lam kha ka portfolio a ni lova, kan MLA zahawm tak khan zawhna kha keimah kha min rawn zawt a, engpawhnise a chhan pawh a awm tho anga nakinah kan inpe thei turah ngai ang. Starred a ni a Unstarred ang khan a lokal mai ka ring a ni. Hengte hi ka chhan theih dan tlangpui chu a ni mai e Pu Speaker.

(S P E A K E R : Minister chan loh in zawkna chhan chu kha zawhna a zawkna chhan chu kha zawh khanin College lam kha a zawt tel avang khan a kai lawk te pawh a ni mai thei a ni.

S P E A K E R : Starred question 28-na ah a awm a kan la sawi dawn nia. Tunah chuan Starred question 23-na zawt turin member zahawm tak Pu V.L.Zaithanzama kan sawm e.

PU V.L.ZAITHANZAMA : Pu Speaker ka lawm e. Starred question 23-na a ka zawhna te chu –

- Under Secretary chin chunglam te IT hmanrua leisak tura tih kha lei a ni ta em ?
- Leisak an nih chuan mi engzat tan nge lei a nih ?
- IT hmanrua leina atan sorkar senso zat min hrilh thei em ?

S P E A K E R : Chhang turin changtu Chief Minister zahawm tak Pu Zoramthanga i lo sawm ang.

PU ZORAMTHANGA, CHIEF MINISTER : Pu Speaker ka lawm e, kan member zahawm tak Pu V.L.Zaithanzama zawhna chhanna chu hetiang hi a ni –

- a) Under Secretary chin chunglam te IT hmanrua leisak tura tih kha Officer thenkhat te leisak tawh an ni.
- b) Mi 39 (sawmthum pakua) tan leisak a ni.
- c) IT hmanarua leina atan sorkar senso zat chu ₹ 20,55,795/- (Cheng nuai sawmhnih sing nga sangnga za sarih leh sawmkua panga) a ni.

S P E A K E R : Pu C.Ngunlianchunga member zahawm tak zawhbelhna zawt turin i lo sawm ang.

PU C.NGUNLIANCHUNGA : Pu Speaker ka lawm e. Kan CM zahawm tak hian min chhang thei tho turah ka ngai a. Mumbai Mizoram House-ah khuan Nurse a awm thin a, tunah hian Shillong-ah sawn a ni a. Kan hriat angin Mumbai khu Cancer patient awm khawmna a ni a, khulaiah khuan Nurse an awm thei lova a aiawh tur dah ala ni lova, GAD lam atanga tih anih angin aiawh tur nurse khu engtik ah nge min dah sak theih ang, tih kha ka zawt e.

S P E A K E R : Zawhna neitu i sawm phawt ang aw Pu V.L.Zaithanzama i lo sawm ang.

PU V.L.ZAITHANZAMA : Pu Speaker ka lawm e. ka zawhbelhna pakhat chu, Under Secretary chung lamah hian kum upa engemawzat an awm tawh a, kum upa lam hian IT lam khawih thei lo pawh kan awm tawh a, chuvang chu a ni mai thei e he hamthatna tul ti lem lo lei lo department engemawzat an awmin ka hria a, chungchu engzatnge an nih tih leh.

Hetianga sum tam tak senga sorkarin hma a la vak mai hi, eng ang rilru puin nge hma a lak tih kha ka han zawt a ni e. Ka lawm e.

S P E A K E R : Zawhbelhna zawt turin Pu Vanlahlhana member zahawm tak i lo sawm ang.

PU VANLALHLANA : Pu Speaker, ka lawm e. Zawhna neitu zawhna hrul deuh kha a ni a. Mi 39 tan lei a ni tawh a, a bang hi engzatnge tih kha kan hre chak a. LDC te lak anih chuan computer

literate a ngai a certificate neih a ngai tawh a. Kan Under Secretary chung lam kan Officer te hi kum naupang tak tak an ni dawn lova. Computer an khawih theih ani tih proof na a ngai em, nge anmahni duhthlanna dah a ni ta ringawt mai tih laia kha kan zawhbelh duh a ni.

S P E A K E R : A theih ang ang chhang turin kan CM zahawm tak i lo sawm ang.

PU ZORAMTHANGA, CHIEF MINISTER: Pu Speaker, ka lawm e. Mumbai lam kan nurse pawh zawn a ni a, an aiawh tur pawh kan zawng mek a, a remchang hmasaberah dah kan tum e, tih kha nisela.

Kan IT hmanrua kan officer liante kan leisak chungchangah hian, kan tunlai khawvelah digital India e-governance kan han kalpui min han nawr ve thuah hian tan kan la nasa a nakinah phei chuan sorkar hna lak turah phei chuan diploma in computer application thla 6 Course tal an passed tur a ni tih leh group D leh exemption item te tih loh chu kalpui a ni tawh hial a. Hei hi kan tunlai khawvelah a tul em avangin sorkar lam pawhin theihtawp kan chhuah a ni.

Tin, sorkarin Laptop te Tablet lei phalna sorkar officer a pek te hi officer zawng zawng nilovin a mamawh zual puite chauh leh IT lama thiamna neite an ni a. Sorkar Officer te IT hmanrua leisak hi anmahni ta tur pawh a ni lova. Sorkar hna an thawh chhunga an hman tur a nia. Sorkar property a la ni reng tho a. A chhia emaw a bo emaw a nih pawhin a kawltu officer in mawh a phur a. A hlawm deuh hlekin zawhna pahnih kha a in an deuh avangin kan chhang kawp deuh zel ang a.

An mamawh lo leh buaithlak deuh a nih chuan khang kha chu an leisak chuang lova. Amaherawhchu, a hmang thei pangngai leh leisaka hlawkna awm tur a te kha tunah pawh thlan a leisak an ni a. Tin, kha kha an mimal ta tur a ni lova, in chhawm zel tur a ni a. A lo chhia a nih pawhin a kawltu mawhphurh a ni a. Tin, transfer leh thil dang anih pawhin khangte kha an keng zel thei chuang lova, khami hmuna lokalten an hman chhunzawm tur a ni a.

Tin, heng hi kum 5 a liam hma loh chuan sorkarin a dang leisak leh a rem lova. Khul duh a nih pawhin depreciation rate te mumal taka book value chhut atanga tih anih loh chuan mimal tana lak mai mai leh ken mai mai theih kha a ni lova. Tin, a laptop leh thildang a kawl kha a hlui deuh tawh a nih pawhin a thlawna neih tawp theih a ni lova, khul zel a ngai a.

Tichuan, entitlement kan han siam deuhah khan kan member te information atan category 1, 2 leh 3 ah kan then a. Category 1-ah khan Chief Secretary, Principal Secretary, Commissioner leh Secretary te an ni a. Tin, an lei tura pawh kha Rs.80000 aiin a tam a thiang lo, khami hnuai kha a ni tur a ni a. Category 2-ah khan Additional Secretary te, Joint Secretary te, Head of department te a ni a. Rs 60000 man a khum thiang lova. Category 3-ah khan Deputy Secretary te, Joint Secretary te, Under secretary leh Civil SDO te, ₹ 40000 a khum thiang lo a ni.

Tuna kan han lei tawh hi Officer zawng zawng a ni lova. Kan sawi ang khan hman mamawh a khawih thiam, senior tawh leh an khawih thiam dawn lo tih a kha chu lei sak an ni lo mai a. A mamawh a te kha tunah kan sorkarin kan service-ah hian a mamawhna a len tak em avangin heng hi Central sorkarin a policy a neih angin keini pawh kan kal chho a, leisak an ni a.

Tin, kan tun dinhmunah chuan State Election Commission-ah hian 3 kan entitle te- State Election Commissioner te, Secretary leh Deputy Secretary te an ni a. Chung chu kan lei sak a.

Tin, Secretariat Administration-ah hian 27 kan lei sak a. Sport & Youth Services-ah hian 2- Director leh Joint Director. Aviation Wing-ah 2- Principal Consultant leh Deputy Controller/Under Secretary. Co-operative Society-ah 2- Register leh Deputy Register. Police Headquarter ah 3. A vaiin 39 tunah chuan kan lei sak a. Officer zawng zawng chu an tam hle mai a, kan hria a. Sum lam renchem a ngaih avangin kan duh anga tam kan lei thei lova. A dawt lehah chuan kum lama upa deuh leisak ngai lova kan ngaih te pawh kha an awm bawk a. Tichuan, tuna mi 39 kan leisaka te kha a vaiin Nuai 255795/- kan seng a ni e.

A tlangpui thu khan kan chhang kim em?

SPEAKER : A fiah hle mai. Starred Question No. 24 zawt turin Member zahawmtak Dr.F Lalnunmawia kan sawm e.

Dr. F. LALNUNMAWIA : Pu Speaker, ka lawm e.

Ka zighthna, Minister zahawm tak Dr. R Lalthangliana Health & Family Welfare Department changtu chhan atan- Mizoram hmun hrang hranga Health Sub- Centres, PHC leh Hospital-a thawktu Nurse leh Laboratory Technician in daih lohna phuhru tur hian hmalak tumna a awm em ?

SPEAKER : Chhang turin changtu Minister zahawmtak Dr. R Lalthangliana i lo sawm ang.

Dr. R. LALTHANGLIANA, MINISTER : Pu Speaker. Dr.F Lalnunmawia zighthna – “Mizoram hmun hrang hranga Health Sub- Centres, PHC leh Hospital-a thawktu Nurse leh Laboratory Technician in daih lohna phuhru tur hian hmalak tumna a awm em” tih chhanna chu – Mizoram hmun hrang hranga Health Sub-Centres, PHC leh Hospital-a thawktu Nurse leh Laboratory Technician te in daih lohna phuhru tur hian hma lak mek a ni.

SPEAKER : Zawhbelhna zawt turin Member zahawm tak Pu C Lalmuanpuia i lo sawm ang.

PU C. LALMUANPUIA : Pu Speaker, ka lawm e.

Ka zighthbelhna chu heihi a ni e. Aizawl Civil Hospital-ah hian ICU siambelh tumna a awm em ? Tawngkam hnih khat leka kan sawi belh duh chu Pu Speaker, ICU indaihlohma a nasa em em mai a. Aizawl khawpuia chengte leh hmun hrang hrang a mite pawh a nih ka ring a, Aizawl khawpuia cheng bik te tan phei chuan, mi kan in ang vek lova, ICU mamawh an awm in kan buai thei em em mai a. Private hospital dangahte awm mah se la, kan han in dah thin a. A senso a sang ang reng thin riau mai a. An boral hnuah pawh cheng tamtak ba a chhuak te kan nei nual mai a. Chuvangchuan, ICU mamawhna hi a sang hle maiin ka hria a. He lai hi siambelh tumna a awm em tih kan zawt a ni e.

SPEAKER : Dr. B.D. Chakma i lo sawm ang.

Pu B.D. CHAKMA : Pu Speaker, ka lawm e.

Zawhbelhna chungchangah Opposition-te priority min pe thei se, Ruling lam chu an mahni office-ah pawh an dawr thei tho a.

Borapansuri PHC Sub-Centre-ah hman atangin hmeichhia Health Worker pakhat kan nei a, chu pawh chu hmundangah an sawn daih mai a. Chuvangin, kan Health Minister zahawmtak hi tunah dah tumna a awm em tih kha ka zawt duh e. Tin, Pu Speaker, Minister i nih laiin Borapansury PHC hian Hospital grant kan hmu tawh a, lawmawm ka ti a. Chuvangin, Borapansuri Hospital chu ngaih pawimawh a ni. Theka Valley-ah population tamtak zingah hospital pakhat chauh a awm avangin ka ngai pawimawh a ni. Chuvangin, tun thlengin Mizoram sorkar CADC hnuiah PPP mode-in an kalpui ta a ni a. Mahse, nimina starred question no. 10-na chhanna angin December 2018 atangin hemi MoU hi an titawp tawh angin tunah Mizoram Sorkar hnuiah a awm a ni a. Chuvangin staff-te hian hlawh hi khawi atangin nge an lak thin tih kha ka han zawt duh e. Pu Speaker, ka lawm e.

SPEAKER : Member zahawm tak Pu H. Biakzaua i lo sawm ang.

PU H. BIAKZAUUA : Pu Speaker, kan Minister chhan atan ka zawhbelhna chu :-

- 1) Cancer Hospital, Zemabawk hi a lun ve hle mai a. Tin, Cancer natna veitute phai lamah an kal nasa em em mai a, kan ramah cancer a tam em avangin. Zemabawk Cancer Hospital hi tichangtlun tumna a awm em?
- 2) Sub-Centre-ah hian tunhma chuan male leh female Health Worker kha an awm thin a. Tunah hian pakhat chauh awmna hi a ni deuh vek ta em aw ka ti a. Lawngtlai District-ah phei chuan pahnih awm kawpna hi a awm tawh mang loin ka hria a, an indaihlo em em a. Chutiang ang avang chuan Clinic Centre-ah pawh a hun takah Health Worker indaihloh avangin Clinic Centre-te an hawng thei lo a. Health Worker hi Health Sub-Centre-ah hian pahnih dah tumna a awm thei em? Tun hmaa awm thin kha a ni zawkin ka hria a, pakhat awmna hi a tam ta

riau mai a. Hei hi min sawifiahsak thei em aw, tih kha ka zawhbelh a ni e. Ka lawm e.

SPEAKER : Health hi in phar nasa thei a, Education nen hian. Duh tawk phawt ang u aw. A theih ang anga chhang turin Minister zahawm tak kan sawm e.

Dr. R. LALTHANGLIANA, MINISTER : Pu Speaker, Aizawl Civil Hospital zaghna kha chu a tawpah ka chhang ang a. Dr. B.D. Chakma zaghna Borapansuri-a Female Health Worker dah tumna a awm em tih te leh Pu Biakzaua'n tiang lampang chi tho a sawi, hemi kan Sub-Centre-a male leh female kan han dah thei ta lo tih hi tunhnai thil a ni a. Chiang deuha kan hriat kan House Member-te hian a thain ka hria a. Tam tak kha chu an lawm hle mai a ni. Kan Health Worker-te hi rei tak Health Supervisor-ah an kaisang theilo a. Tunhnai thla 2/3 kalta vel kha a nih ka ring a, ka hre chiah ta lo a. Health Worker ho kha tam tak an awm lai khan mi 82 kha seniority-in Health Supervisor-ah an kai ta a ni. Chu Health Supervisor-a an kai takah chuanin drastically-in Health Worker number kha 82-in a tlem hawk a. Chung Health Supervisor-te chu main centre-ah an awm vek a ngai a. Sub-Centre kha an post a ni lo a, chu chu kan la tuar mek a. Chu chuan a nghawng a ni. Chu chu chiang deuha kan hriat ka duh a. Chutih mek lai chuan Health Worker hi tam tham deuh hlek lak theihna tur atan kan CM hovin sawi a ni a. Kan CM-in ngaihtuahna min senpui a, Health Worker 200 bawr hi lak theih kan inbeisei dawn a, nakum lamah. Chumi anih chuan kan dah vek thei turah ka ngai, nghah ve a ngai a ni tih kha ka chhanna ni mai rawh se. A la lak theih mai si loh lai kha a awm a ni.

Chuan Borapansuri-a PHC chungchang hi a complicate angreng khawp mai a. Ngaihtuahna Sorkarin kan seng nasa khawp mai a. Kawng lehlamah chuan CADC-ina a enkawl lo ni bawk si laiah khan CADC hian, tlang deuhin kan sawi ang a, an expenditure kha 2016-17 te, 2018-19 te khan an thehluh tha tawk lo a nih ka ring, tlang deuhin. Khang khan tlemin harsatna/complication a siam a. Chumi avang chuan hei hi duh anga kan function that theih lohna a ni. Engpawhnisela, uluk takin a bik takin Lawngtlai West area te leh Tuipui West kan han tih ang chi te hi tlemin

ngaihtuah bik te pawh hi an ngai khawp mai. Natna leh thildang a tamna hmun a ni a, ngaihtuahna sorkarin a seng mek tihte pawh kha min lo hriatsak ta phawt la. Ruling lampang MLA te chauh kha office-a len theih a ni lo a nia, khatianga inkiltawih zel kha chu a tha lo. Keini pawh rei tak MLA-in kan lo awm tawh a, Minister room-a len te hi a hrehawm reng reng lo. In duh hun hunah thingpui rawn in rawh u, kan zin loh lai a nih phawt chuan a theih e, tih kha hria ila a tha ang e. Zau deuh ka nia he lam pang chu, inkiltawih reng reng loh tur.

Aizawl Civil Hospital tih hma hian Cancer Hospital, Zemabawk chungchang Pu Biakzaua zawhna kha kan chhang ang a. Hei Government of India atang hian vaibelchhe 44 bawr vel min sanctioned a. Mahse, lak kim loh, hmuh kim loh kan la nei nual mai a. Harsatna lian deuh mai tunhnai hian a awm a, a buaithlak khawp mai a. State Sorkarin in pawisa lo hmang phawt ula, chumi hnuah chuan reimbursement-in Government of India, Health Ministry-in kan rawn rul leh mai ang tih zawng hian a awm ta a ni. Chu chu Health department chauh ni lo, Health Ministry chauh ni lo, Ministry of Finance-ho thutlukna an ti mai a, a buaithlak khawp mai a. State te, sum neilo tan chuan buaithlak tak a ni. Kan CM, kan Finance changtu pawh hian min hriatpui a. Chuvang chuan harsatna kan tawk hle mai a. Kan Cancer Hospital-a cancer hemna kan ti mai ang e, kan neih mek saw, kum 20 zet zawt a upa a ni tawh a, a part thlakna tur pawh a awm tawh lo a, a company pawh a mumal tawh lo a. Chumi avang chuan vaibelchhe 11-in, CM thilphalna avang liau liauin kan han chah mek a, a lo thleng chho turah beisei ta ila. A rawn thlen ringawt kha a ni ta lo a, a dahna tur a thil buatsaih te leh thil tam tak ngaihtuah tur hi a crore tel hi a awm tel a. Engpawhniisela, heti zawng hian hmalak mek a ni tih zawng khan kan sawi mai ang e, a tawi zawngin. Tin, hemi piah lamah hian kan vannei khawp mai a. Tunhnaiah, India Independence Day kumin ni 15 hma ni chiah khan JICA Funding kan ti mai a, Japan International Funding, anniho nena thawk tlangin Cancer Super Specialty Hospital an ti mai a, India hmar chhakah chuan a tha ber turah hian kan ngai ve deuh a, midang an ti ve dawn em ka hre lo a. Chu chu crore 500 min han phalsak ta a, kan lawm khawp mai. Hei hi bul kan tan dawn a, naktukah hian JICA-ho pawh an lo thleng dawn a, eng emaw inbiakna te kan

han nei ang a. DPR uluk taka international standard ve deuhte pawh a tih theih kan inbeisei dawn a. Hei hi kan ti thei a nih chuan India Hmarchhakah hian a tha ber hi a chhuak mai awm mang e aw, tih te kan han beisei ve mek a ni tih te pawh kha kan sawi belh a. Tin, sawlai tlangah sawnin RIPANS a awm bawk a, heta tan hianin hei tun hnaiah ti mai ila, kumin kum tir lampang khan vaibelchhia 480 lai mai tih changtlun na atan ruahmanna kan hmu thar bawk a. Hei erawh hi chu direct lutuk in State sawrkar hi kan inrawlh lo a, amaherawhchu in rawlh theihna chin awm se chu kan duh a, kan duhnate erawh chu kan thlen thin a ni tih kha kan sawi a ni.

A tawp berah chuan Pu Muanpuia zawnhna kha a pawimawh khawp maia, kan Aizawl Civil Hospital ICU hi tunah hian khum a tlem hle maia kan indaih lo khawp maia, hei kan han enkual mek a building thar ber kan sak zawn takah te sawnin, khum tlema zawng dahan tihdan kawng chu awm thei se tih kha kan duh khawp maia. Engpawhniela ngaihtuahna kan seng mek a thawktu lam dahbelh a ngai dawn a, thil dang engemaw thawktu lam han ti dawn chuan tul a awm bawk a. Ngaihtuahna kan seng chho mek a, tin, kan Civil Hospital hrim hrim hi Pu Speaker nang pawh Health Minister i lo ni tawh a, i vei em em thin a, hmalakna tam tak i hunlai te pawh in ilo nei tih kha kan hriatpui che u a. Tuna thil harsa tak saw chu ram neih kan nei tawh silo a, thildang han tih dawn hian a buaithlak em em mai a, a han luh dawn a zawl chhete kan la neih ah sawn, Trauma Centre sak nise kan ti a, kan in buatsaih mek a sum pawh enge maw zat kan nei tawh a, chu chu kan tan anga hei kan CM pawhin a en tawh nghe nghe a, a ground floor ti mai ila, a basement a kha chu parking te ni ta se, a chhawng chunga kha Trauma Centre, tin, G plus 5 hial te pawhin ti chho ila space constrain avang khan tih te ngaihtuahna kan seng a. Khang neuh neuh kan han tih chhoh hi chuanin hemi line Department tam tak lo awmna a ni bawk a, khang kha kan inphuhru lo em em maia chung harsatnate chu kan tawk a. Engpawhniela, kum hniih khata han zawn duak theih tur chi chu niin ka hre lo a. Tin, kan Civil Hospitala resident Doctor ti mai ila, a chenchilh Doctor quarter kan nei miahlo te pawh hi a buaithlak khawp maia, chuvangchuan Nurse han koh mai tur a hnaiah an awm si lo lai te.

PU LALDUHOMA : Pu Speaker, Demand discussion ang hial maia zawh bak an chhang vak mai hi hun hi ava uihawm ve aw.

Dr. R.LALTHANGLIANA, MINISTER : Ni e, kha lai kha a tul ve na lai kha a awm a, ICU leh thil dang han tih dawn khan kan hospital neih chhun hi a ni tlat maia government ang in. Chuvangin kha lai kha hmalakna kan nei mek a ni tih kha kan sawi a ni. Engpawhnisela thurawn englai pawhin kan Civil Hospital chungchangah chuan kan dawng thei a ni tih te pawh kha ka chhan pahin kan sawi duh a ni. Ka lawm e.

SPEAKER : Starred question – 25 na zawt turin member zahawm tak Pu Lalduhoma ilo sawm ang u.

PU LALDUHOMA : Pu Speaker, Agriculture Minister zahawm tak chhan atan - Vaimim, Chana, Lakhuihthei, Zikhlum etc ching tur thlan chhuah a, in register tir a, an account number te an lah hi, heng mite hian eng nge a awm zia an hre hauhlo mai a, an ti ve tawp mai a, hei hi eng nge a awmzia? Eng scheme nge? tih ka zawt e.

SPEAKER : Chhang turin member zahawmtak Pu C. Lalrinsanga kan sawm e.

PU C.LALRINSANGA, MINISTER : Pu Speaker, ka lawm e. Hei tunlai hri ka vei ve deuh a ka tawng hriat a hahthlak deuh maithei a member te ngaih hnathiamna kan dil hmasa duh a ni.

SPEAKER : Ngawirawh aw, zawhna leh chhana hun a tawp a, House ka rawn duh a, chhan zawh tir mai ang aw. Awle, chhang rawh le.

PU C.LALRINSANGA, MINISTER : Kan member zahawmtak Pu Lalduhoma zawhna hi a pawimawh ang reng khawp mai a Vaimim, Chana, Lakhuihthei, Zikhlum etc. ching tura in register tir hi eng nge a awmzia? Eng scheme nge? Tih chhanna chu –

Agriculture Department hnuiaia Vaimin, Chana, Lakhuihthei leh thei dang te ching tur thlan chhuah te hi Paramparagat Krishi Vikas Yogana(PKVY) Scheme hnuiaia Model Cluster Demonstration hmalakna tur atana thlan an ni a. Model Cluster hnuiaia hma la tur farmers te hi an thar chhuahte

Organic Produce a ni ngei tih a chian theih nana Participatory Guarantee System (PGS) Certification an neih a ngaia, PGS nei thei tur hian loneitute hi registration an neih a pawimawh, tih kha a ni a, tlem han sawibelh a tulin ka hria a.

Hei zawhbelhna a awm zui tawh lemlo bawk a. PKVY hnuai Model Cluster Demonstration in a tum ber chu chemical fertilizer leh hnime thahna hlo tello a kan eitur thlai thar chhuah tumna a ni a, PKVY hi kawng lehlamah chuan ti mai ang tun hnai 2015 a launch kha a ni mai a. Kan ramah hian kum 2019 leh 2020 hun chho ah hian kum thum term ti kal turin ruahmann kalpui mek a ni a, tah chuan ICAR kan han tih, Ministry of Agriculture Farmers welfare Government of India hian ICAR hnuaih hian Atari kan ti a. Atari hi India ramah hian 11 kan neia, khami han hlawmkhawm leh agriculture han hlawmkhawm leh kha an ni maia. Chung zinga pasarih na chu kan ni a keini hi Assam hi Atari pasarihna kan ni a. Tiang chuan khami bakah khan National Centre of Organic Farming kan ti a, NCOA Ghaziabad leh chumi Atari kan han tih Zonal Council 7 na, Assam chan hemi North East chan, chumite kaltlang chuan he scheme hi rawn tih kal a ni a. Tah chuan hei a zawttu kha hresa deuha rawn ti nge chu ka hrelo a, hei kan KVK zinga 5 thlanchhuah hian Serchhip bial kha a tel lo hlauh mai a, hei hi kan thuneihna chu a ni chiahlo na a, kha kha a rawn zawh chhan a ni em aw, chu kan ti deuh a, amaherawhchu he scheme hi la kal chho zel tur te pawh a ni a, hemi Central sawrkar hianin organic product chu a ngai pawimawh em em, tun tumah pawh hian he kan sawrkar pawh hian a ngai pawimawh a. House Leader zahawm tak thahnemngaihna in tun tumah pawh hian Bio-Fertilizer Unit Laboratory din na tur 1.23 crore (vaiblechhe khat leh nuai 23) bawr vel Neihsawia a bul tan na tur kan nei reng mai a, kan lawm tak tak a. Tahchuan Mizoram sorkar leh a department leh MZU leh ICAR zone 7 na Atari kan tih nena tripartite a kalkawp a he bio-fertilizer hi kalpui tur a ni nghe nghe a. Chumi anga kan kal chho thei anih phei chuan tunah hian liquid fertilizer a ni emaw, hemi powder ang chi in emaw fertilizer hi farmers ten hmang tangkai thei tura ruahmann kan CM zahawm tak kalpuinain tunah hian hmachhawp kan nei a ni.

Hei hi kan ram tan mel lung pakhat tling dawnin ka hria a. Chutiang chuan tun tuma kan PKVY programme pawh hi an ngai pawimawh khawp

mai a. An rawn tarlan danah phei chuan heng ang hmalatuho beneficiary kan han thlanchhuah te hi hemi ICAR bakah State Agriculture University te, Central Agriculture University te, KVK te atanga Experts/Scientists kan neih ten englai pawh in an vil ang a. Khata an tharchhuah kha organic hlang a ni ngei ngei tur a ni tih a ni tawp mai a ni. Chuvang chuan India sorkar hian organic a ngai pawimawh a. Keini Mizoram ngei pawh hi organic ni lo chemical kan ei tam luat avanga kan hriselna pawh tlahniam ni hian a lang tlat a. Pu Speaker, i phalnain ka sawi zau duh chu – hmanni Bairabi a kan zuk kal tumin pa pathum an lokal a. Chuta an vei zawng an sawi ka rilru khawih em em chu he House kaltlanga sawi hi a tulin ka hria a. Hailakandi lam atanga an thil tharchhuah an rawn phurh kha min han tlanpel a damdawi rim a nam vung vung mai a, kan ngaih a tha thei lo a ni. Aizawl mipuite hian kha kha in lo ei leh duak duak si a. Tiang chuan kan ram hi kan hrisel naah, kan healthcare-ah kan tlahniam lutuk dawn. Hei hi chu lo ngai pawimawh teh u min ti a. Chuvang chuan tun tumah pawh hian chumi avang taka bio-fertilizer leh organic lam na taka kal nat pui kan tum avang hian kan CM in tan min lak pui nachhan pawh hi a ni. Chuvang chuan vawiinah hian he forum, he House kaltlang hian mipuite pawh chu lamah chuan ngaihtuahna kan hman a tulin ka hria a, tun hun hi tangkai takin kan hmangzui a ni. Pu Speaker, ka lawm e.

S P E A K E R : A lawmawm e. Vawiinah hian member zahawm tak Pu Andrew H.Thangliana damlohma avangin a lokal thei lo tih kan puang a. Calling Attention Motion kan nei a, Pu Lalduhoma member zahawm takin dan 59 na hmangin dan ang thlapin a rawn dil a, kan lo admit a, sawiho thiang a ni lo a hei hi, Pu Lalduhoma i lo sawm ang.

PU LALDUHOMA : Pu Speaker, ka lawm e. Thui vak ka sawi dawn lo a. Calling Attention hi vawksa chungchang a ni a. Kan hriat ang in ramdang atanga vawk kan lak luh avanga PRRS tih te natna vangin vawk tam tak kan chan a, mi tam tak eizawnna a tibuai a. Chuvang chuan sorkarin fimkhur thilah Myanmar atanga vawk lak luh a khap ta a, khap awm reng pawh a ni a. Chutih rual chuan ramdang atanga vawk a lo luh loh hian tunah hian harsatna namen lo kan tawk ta a. Vawksa sata eizawng tam takin tunah hian sah tur an hriat tawh loh avangin an mangang mek a. Tin, Hotel leh Restaurant tam takah an mangan bawk a. A mipui mimir pawh hi kan mang a ang a ni. Keini

Serchhip District-ah phei chuan Mizoram chhung atanga District dang atanga lak luh pawh khap a ni a. Vawksa hmeh tur chuan tan lak fe a ngai tawh a ni. Chutiang harsatna chu a lo thlen tak avangin a tih dan dang zawn hi a hun in ka hria a. Zokhawthar a ni emaw, a tul chuan hmundangah pawh vawk kher lo pawh ran dangte pawh lak luh hi phal ta ila. Amaherawchu a hmunah, ramriah a hrisel leh hrisel loh endiktu dah ni ta thung se la. Tichuan ran hrisel chauhin kan ram hi a lo luh theihna tur hian sorkarin hma la vat se tuna kan harsatna hi a tawp mai ka ring a. Chu chu thahnemngai takin kan rawt duh a ni.

Tin, ka hriat sual loh chuan tunhnaiah hian vawk lak luh phalna license mi tlemte hnenah pek niin ka hria a, ka hresual mai thei a. License te pawh lo nei ni sela ramriah khan check a ni em? A nih leh chuan loh chuan kan buaina ngaiah bawk kan lut dawn a. Chu ai chuan tu pawhin an lak luh mai theih tur hian buatsaih ila, a hrisel leh hrisel loh hi a lo luhna hmunah check ni se la, certificate pek zel ni se la, chutianga tih chu a tha in ka hria a. Hmun thenkhatah an lo check a an vawkte an man sak a, an lilam a, tlawm te te in tuten emaw an lei leh tho tih te hi kan hria a, hei hi a nalh lo hle a ni.

Tin, Pu Speaker, vawksaah hian kan lo intodelh lo hle mai a. Ram dang atanga lak luh khap a nih hnu hian kan dinhmun a lo chiang ta a. Chuvangin vawk farm nei thei tur te hi SEDP lam atang te pawh hian a bul tanna in siamsak ta ila. Pahnih khat te te vulh lo a awmze nei deuh hlek a kan vulh ve theih dan kawng hi sorkar pawh hian ngaihtuah se a tha hle in ka hria a. Chungah chuan thil sem a a party in duhsakna ang zawng mai mai kal tawh lo in. MLA te pawh in kan bialah khati zawnga eizawnna ti duh an awm anih chuan kan ngaih pawimawh zawng te pawh department hian min lo hriatpui sela, min lo ngaih pawimawh sak se langin. Chutiang zawnga tun atanga tan kan lak loh chuan he harsatna hi a awm rengin ka ring a. Sorkarin Kawlkulh-ah te, Sairang-ah te, Pukpui-ah te farm a din a, a hlawhchham vek a, sum tam tak a luang ral a, kan hre vek a. Chuvangin mimal kut a hei hi kan hlan a kan kal tir hi a thain ka hria a. Chuvang chuan tuna harsatna vawksaa kan neih mek han chhawk zangkhai mai na tur chuan tuna ka rawtna hi kan sorkar hian min ngaih pawimawh sak se la, hma min lak sak vat se la tih kha tul hle a ka hriat avangin kan pulut a ni e, ka lawm e.

SPEAKER : Awle, kan ngaithla ta a, an sawi ang khan hei hi sawiho tur a ni lova, amaherawhchu kan Minister zahawm tak a changtu hianin han sawi tur a neih ve ka ring a. I lo sawm teh ang, Dr K.Beichhua.

Dr. K. BEICHHUA : Pu Speaker, ka lawm e. Kan member zahawm tak Pu Lalduhoma'n calling attention hun a rawn dil a, kha thil pawimawh tak tak a rawn sawi a, a rawn sawi te kha a diklo han tih tur a ni hran lem lova. Mahse helai hi member te pawh hian kan chiang lo a ni tih tuna calling attention a rawn sawi atang khanin ka rilruah alo lang a. Kan ram dinhmun hi Pu Speaker, kan hria a. Saah hian kan intodelh lo hle mai a ni. Sa kan mamawh 35% hi keimahni state thar chhuah a ni a. 65% hi pawn lam atanga kan lakluh a ni. Hei hi tun kan sorkar hian a vei viau mai a, theihtawpin kan intodelh theih nan tiin hma kan la chhova, ngaiantuahna pawh kan seng nasa a.

Pu Speaker, i hriat angin 2013 ah nasa takin PRRS kan ramah a leng a. Khatah khan zorama kan vawk tam tak an thi a ni, a vulhtute pawhin kan tuar a, mipui pawhin kan tuar bawk a, chutiang chuan 2016 ah PRRS a leng leh a, nasa takin kan vawk a thi leh a, mipuiin kan tuar a, tin, 2018 ah PRRS bawk a leng leh bawk a, chutah chuan zoram mipuiin kan tuar hle a ni tih a hretute vek kan ni vawiin ah hian. Hetia vawk a van em em chhan hi pakhat ah chuanin PRRS hi kan ti lo thei lova, chu natna chu a len tawh chuan tihgaihna a awm silova. Lenglo tura lo inven kha sorkar ina kan tih theih awm chhun a ni.

Pu Speaker, PRRS chauh pawh ni lovin nikum lam atang khan African Swine fever hi khawchhak kan thenawm te ramah khian nasa takin a leng a ni. China ah te, Vietnam ah te, Cambodia ah te, Hongkong ah te. Myanmar ah kumin kumtir lamah a leng tih kan hria a, confirm a ni bawk a. Chu chu Ministry atangin lehkha kan dawng a, June ni 10.2019 ah khan hemi chungchangah hian a bik takin North-East boundary a awm te chuanin a inven hna nasa taka thawk turin lehkha kan hmu a, chumi zulzui chuan District tinte magistrate hnenah department in June 19, 2019 khan lehkha kan siam vek a, CrPC 144 hmangin hma kan la chho a ni.

Chutiang chuan Myanmar a African Swine fever confirm anih takah chuan kan ramah reilote rawn lut thei dinhmun ah kan awm si a, African

Swine fever phei hi chu PRRS ai mahin a hlauhawm a, mortality hi chu 100% a ni ngawt mai a ni. Tin, highly contagious diseases alo ni bawk a. Lo lut ta se engti kawng mahin tihdam ngaihna a awm dawn lova. Kan vawk zawng zawng hi a mang thei dawn ani. Chung avang chuan by circulation-in Council of Ministers te by-circulation in agenda kan siam a, chuvang chuanin import completely banned kha hma kan la chho ta a ni. Chutiang chuan vawiin ah hian kan kal chho zel a, heng zawng zawngah hian zoram mipui tawiawmna kan dawng tha hle a.

Pu Speaker, kan lawm takzet zet a ni. Home Department lam pawhin theihtawpin min tanpui a, tin, NGO te pawhin theihtawpin min tanpui bawk a, chu lovah BSF te pawhin theihtawpin min tanpui bawk a ni. Kan vaiin kan tang tlang a ni. Hengah hian department aiawh pawhin lawmthu ka sawi a. Chutiang chuan kan kal chho zel a, Pathian zarah kumin ah hian PRRS te kan nei miah lova. African swine fever pawh chu Pathian zarah ala awm lova, lawmawm kan ti tak meuh meuh a ni. Chung avang chuan he natna saa kan intodelh tawh loh nak a laia PRRS emaw African Swine Fever outbreak a awm hlauh chuan vawiinah vawksa a vang kan tih hi chu kan ngai ngawihin kan ring a ni.

Chung avang chuan theihtawp in hma kan la chhova, chuti chung chuan Pu Speaker, hei hunpui kan thleng dawn a, Christmas te kan hnaih tawh a. Christmas kan han hnaih takah chuan vawksa kan mamawhna te a nasa a, engpawhnise sa kan mamawh takah chuan mipui harsatna hi engtin nge kan sutkian ang, tiin sorkar chuan hma an la chho leh ta a, Pu Speaker, i phalnain helai member zahawm tak tak ten he notification hi kan in remind na tur leh mipui lam pawhin an lo hriat nawn lehna atan kan chhiar chhuak ila i phalnain; No.D12016/21/2019 AH&VETY Govt of Mizoram, Animal Husbandry and Veterinary Department, Notification Dated: Aizawl 22nd October, 2019. Mizoram a vawk natna Persin Product Reproductive and Respiratory Syndrome (PRRS) leh African Swine fever (ASF) a lo luh loh nan leh vawk vulh a eizawngtute hmakhawngaia an hamthatna tura rilru nei chunga ram dang atanga vawk lakluh khapna hun engemaw ti chhung kalpui mek chu mipui ten tha taka an zawm avangin tunthlengin Mizoram ah PRRS

leh African Swine Fever te ala leng lova, mipui te tawiawm thu ah AH & VETY Deparment chuan lawmthu a sawi tak meuh a ni.

Tin, District Magistrate leh Mizoram Police te, Assam rifles leh BSF leh Custom duty te leh NGO ten theihtawpa min tawiawmnaah Department chuan lawmthu a sawi tak meuh meuh bawk a ni. Hunpui alo thleng dawn hnaia, vawksah nasa takin kan intodelh dawn lo tih hriat anih avangin mipuite harsatna tawh theihte hriathiampuin Mizoram sorkar chuan heng harsatna te hi a lo kian theih nan hetiang hian ruahmanna a siam a ni. Ram dang, Myanmar, Bangladesh etc atanga vawk leh vawksa atanga eitur siam chi hrang hrang chu khauh leh khawng taka khap chhunzawm zel ni se tih a ni a. A lut tur te chuan a hnuai tarlan te hi an zawm tur a ni.

Directorate of Commerce & Industries atanga vawk lakluh phalna hi dil tur reng reng in Director, AH & Vety department remtihna an la hmasa tur a ni. Vawk puitling talh tur chi chauh lakluh phal a ni. Vawk lalut tur te chuan an lakna/leina tur hmun farm atangin purpose soundness certificate, registered vety practitioner siam an nei ngei tur a ni.

Vawk lalut reng reng in AH & Vety department checkgate ah an document te endik tirin an vawk lakluh te hriselna an exam tir leh ngei tur a ni.

Vawk lalut reng reng in an lakluh zat leh lakluh ni chiang taka ziakin Director, AH & Vety department hnenah hriattir ziah tur a ni. Tiin notification hi kan chhuah a Pu Speaker. Chumi kan chhuah hnu chuan mi 17 in Commerce & Industries department ah lakluh an dil a, lakluh zat tur hi 3845 phalsak an ni tawh a. Tuna an lakluh tawh chin hi 762 a ni. Heng 762 te hi disease free vek, Vairengte checkgate ah chiangkuang taka kan lo exam vek a hrisel tih hriat hnuai kan lakluh tir te an ni. Pu Speaker, tuna kan rawn sawi tawh ang khan he harsatna kan tawh chhoh hi sawrkar chuan a ngaipawimawh a, phak ang tawkin tihian hma kan la chho a. Vawiin ah hian vawk lakluh phalna pawh hi la dil zawm zel theih a ni a, phalna hmu chuan an dil ang a.

Khulaiah a hrisel an zu hmuh chuan an rawn luhpui anga, Vairengte checkgate ah a hrisel ti a kan lo confirm tawh phawt chuan engzat pawh an lalut thei tih kha Pu Speaker, he House zahawm takah hian ka sawi a. Vawiina kan hmalakna te hi tunah tlemin mipuiin tuar deuh hlek mah ila nakina kan intodelh theih zawkna theihna tur leh kan hmalama hun tha zawk kan neih theih na tur a he sawrkar hmalakna hi a ni tih member zahawm tak takte hian min lo hriatpui ula. Heng kan hmalakna ah hian engpawhnise tuna khapna dan kan siam pawh hi January thleng a ni a, lakluh theihna hi. A hnuah chuan kan hmalam boruak a zirin kan thenawm state te hnenah hian heng natnate hi enge an dinhmun tihkha kan zirchiang anga, kan thenawm state atanga hlauhthawnawm anih loh chuan lakluh theih a nih leh nih loh te pawh kan sawrkarin a en leh zel turah ngai ta ila. Tuna kan hmalak chin hi chu kan za atan a ni tih hria a theihtawp a Zoram mipuiin min lo tawiawm zel turin he House zahawm takah hian Pu Speaker ngenna leh sawmna ka lo siam tel bawk a ni e. Ka lawm e.

SPEAKER : Tunah chuan business dangah kan kal anga, laying of papers ah. Minister zahawm tak Dr. R. Lalthanglian;

- i) The Mizoram Khadi and Village Industries Board (Amendment) Regulations, 2017.
- ii) The Mizoram Khadi and Village Industries Board (Recruitment) Regulations, 2018.
- iii) The Mizoram KVI Employees (Pension) (Amendment) Regulations, 2019.
- iv) The Mizoram Clinical Establishments (Registration & Regulation) (Amendment) Rules, 2019.
- v) Bye Law of the Mizoram Institute of Medical Education and research 2018 te hi rawn lay se. Hei hi MIMER tiin an la dah a, amendment a la awm lo a ni. An rawn lam leh lawk lo thei lo a ni. Helai hi amendment siam a ngai bawk ang. Tichuan House dawhkanah dah turin i lo sawm ang.

Dr. R. LALTHANGLIANA, MINISTER : Pu Speaker, a vai hian vawikhatah ka ti vek mai ang aw. Pu Speaker, i remtihna leh he House phalna in heng thil pawimawh tak tak :

- i) The Mizoram Khadi and Village Industries Board (Amendment) Regulations, 2017.
- ii) The Mizoram Khadi and Village Industries Board (Recruitment) Regulations, 2018.
- iii) The Mizoram KVI Employees (Pension) (Amendment) Regulations, 2019.
- iv) The Mizoram Clinical Establishments (Registration & Regulation) (Amendment) Rules, 2019.
- v) Bye Law of the Mizoram Institute of Medical Education and research 2018.

Helaiah hian Pu Speaker, kan sawibell lawk ang e an rawn question a. Hei MIMER tih thin kha tunah chuan thlak kha ani tawh tih kha kan hria a. October ni 4 khan notification Mizoram University hian a chhuah a, tiang hian a inziak a. A copy pawh member te circulate a that ka ring a, amaherawhchu formality tih ngai neuh neuh tur anih avang khan MIMER tih hming khan he Bill hi a lo lut a. Amaherawhchu tiang hian notification October 4th 2019 khan Registrar, Mizoram University in a chhuah a, saptawng ania. “Consequent upon the resolution of the 50th meeting of the executive council, Mizoram University dated 19th July 2019 and subsequent letter from Secretary, Board of Governor, Medical Council of India 9th September 2019. It is hereby notified that Mizoram University has officially noted the change in the name of its affiliated medical college as Zoram Medical College from Mizoram Institute of Medical Education and Research (MIMER)”. MIMER tih atang khan tiang hian notification fel takin Medical Council of India direction pekna angin hei hi chinfel tawh a ni tih kha House hian kan hriat kha a thain ka hria a. Vawiinah erawh chuan MIMER tih hming khan a rawn kal a ni, thil thuhmun reng a ni tih kha ka sawi duh a ni.

Heng thil pawimawh tak tak panga te hi he House ah hian Pu Speaker, ka rawn lay e.

SPEAKER : A copy kha han sem ula.

S P E A K E R : Kan chang kim maw. Pahnihna-ah Minister zahawm tak Pu T.J. Lalnuntluanga The Mizoram Prevention and Control of Water Pollution (Procedure for Immersion of Idol) Rules, 2019 te, The Mizoram Wood based Industries (Establishment & Regulation) (Amendment) Rules, 2019 te hi House ah rawn lay turin i lo sawm ang.

PU T.J. LALNUNTLUANGA, MINISTER : Pu Speaker, ka lawm e. Pu Speaker i phalna leh remtihna in The Mizoram Prevention and Control of Water Pollution (Procedure for Immersion of Idol) Rules, 2019 leh The Mizoram Wood based Industries (Establishment & Regulation) (Amendment) Rules, 2019 copy te hi he House zahawm tak dawhkan ah hian ka rawn pharh e.

S P E A K E R : A copy kha han sem nise.

Dr. R. LALTHANGLIANA, MINISTER : Pu Speaker, an lay a kha panga ani a, tunah an han sem leh kha a ni chiah lova, panga lai kha sem kawp a ngaih avang khan (SPEAKER : Nichin ah an sem lo a ni maw) nakin ah khang te kha chu a tih theih tho a.

SPEAKER : Sem vek rawh se. A pawi chuang lova, member tin ten an thlir vek tur khan. A sem tur a kha sem mawp mawp rawh u, Minister zahawm tak Pu T.J. Lalnuntluanga Department nen khan sem kawp mai rawh u. Kha kha kan official ten lo clap together vek se, kan lak kawp a vangin. Paper lay an rawn ti vek si a. In sem zo em? Minister zahawm tak Pu T.J. Lalnuntluanga rawn lay pawh kha sem ula.

Tin, Minister zahawm tak Dr. R. Lalthangliana paper zawng zawng nen khan sem u la, Sem vek mai rawh u kha kha. Ngawi rawh u kan ti dik e, kan clap avang khanin a awlsam zawngin vawikhatah kan rawn chilh khawm vek a, tah khan a tel vek a ni, member-ten in hmuh vek dawn a vangin. A kim em? Ti khan Forest te, tin Pollution te pawh kha kan chilh khawm a ni. Kan sem kim tawh ti ru.

Awle, a dawtah kan kal ang a, Member zahawm tak Er. H. Lalzirliana, Chairman Subject Committee-I in Statement of Action Taken by the Government against the Recommendations contained in the Third Report of Subject Committee-I relating to Excise and Narcotics Department Government of Mizoram hi House dawhkanah han lay se, kan sawm e.

Er. H. LALZIRLIANA : Pu Speaker, ka lawm e. Pu Speaker i phalna leh he House zahawm tak remtihna in he Subject Committee-I, 2019-2020 Statement of Action Taken by the Government against the Recommendations contained in the Third Report relating to Excise and Narcotics Department hi he House zahawm tak ah hian ka rawn lay e.

S P E A K E R : A copy kha han sem ni se. Tunah chuan Presentation of Reports ah kan kal ang a, pahnih kan nei a. Dr. F. Lalnunmawia, Chairman Subject Committee-II-in First Report of Subject Committee-II relating to Mizoram Engineering College under Rashtriya Uchchater Shiksha Abhiyan (RUSA) under Higher & Technical Education Department Government of Mizoram hi House ah rawn present se la. I lo sawm ang.

Dr. F.LALNUNMAWIA : Pu Speaker, i phalna leh he House zahawm tak remtihna in The First Report relating to ‘Mizoram Engineering College under Rashtriya Uchchater Shiksha Abhiyan (RUSA) under Higher & Technical Education Department Government of Mizoram’ hi ka rawn present e. Pu Speaker tawitein ka rawn sawifiah lawk ang a, he Mizoram Engineering College Pukpui, Lungleia sak hi 2016 khan RUSA component hnuaiah sak a ni a, he project cost hi ₹ 26 crore niin he hna hi Mizoram Technocrats Private Limited-in an thawk a. Nikum November thla khan sa zo in kumin February thla khan Prime Minister zahawm tak chuan Srinagar atangin video conferencing hmangin a rawn hawng tawh a ni. Tin, MHRD-in hetiang college hi kumin 2019-2020 atanga academic session tan vek tura a duh laiin Subject Committee-in kan va tlawh a, kan hmuh dan chuan tan theih mai dinhmunah a la awm lova, a chhan chu kawngte a la mumal lova, tui leh

electric connection a la awm lo bawk a. Tin, chubakah building sak zawh pakua a awm a, a building sakte duhthu sam lo engemaw zah hmuh a ni a. Tin, tih tur tul dang engemaw zat a la awm bawk a ni. Hemi chungchang hi Subject Committee Member-te leh a changtu Minister zahawm takte nena sawihona pawh kan nei a. Chung kan hmuh dan hrang hrang he college chungchange harsatna leh tun dinhmuna kan hmuhte leh rawtna hrang hrang kan neihte he report-ah hian kan rawn tarlang a ni. Chu chu vawiinah hian ka'n present e. Ka lawm e, Pu Speaker.

S P E A K E R : A copy kha han sem leh ula, in zo tawh maw. Tunah member zahawm tak Pu L.Thangmawia, Chairman, Committee on Papers Laid on the Table-in Second Report on Action taken by the Government on the Recommendations contained in the First Report of Committee on Papers Laid on the Table tih chu House-ah rawn present sela. I lo sawm ang.

PU L.THANGMAWIA : Pu Speaker, i phalna leh he House zahawm tak remtihnaing he Second Report on Action Taken by the Government on the Recommendations contained in the First Report of Committee on Papers laid on the Table hi ka rawn present e.

Pu Speaker Committee on Papers Laid on the Table hian kumin Assembly Session June thlaa neihah khan First Report kan lo present tawh a. Chutah chuan sorkar Department pasarih (7) House-a Act pass tawh Dan siamna tur rules making provision nei si rules la nei lo, a thente phei chu MYC (Mizoram Youth Commission) kan han tih ang chi te, 2008-a Act pass tawh si la siam fel theih loh ang chi te kha a awm nual mai a. Heng Department-te hi lehkha hmanga zawnate siamin heti laiah Committee-in sawihona (discussion) te kan han neih pui a, a lawmawm khawp mai a Pu Speaker. Department-in heng pending rules, pending tam takte hi an han bawhzui char char a, kan report-ah pawh a rawn lang ang a. Tunah hian harsatna bik zual awm ni lo hi chu tun Assembly Session leh nakum Budget Session hmasa hian kan ti fel thei dawn ni te pawhin a lang a. Department lamin an bawhzuinaah te pawh he House zahawm tak kaltlang hian lawmthu ka'n sawi duh a. Tichuan heng rules siam tura an hmalak mek leh lak

tawhnate hi he Second Report-ah hian a rawn lang dawn a ni. Ka lawm e, Pu Speaker.

S P E A K E R : A copy kha han sem leh ulangin. Vawiinah hian bill pahnih (2) kan nei dawn a. A hmasain “The Mizoram Protection of Interests of Depositors (in Financial Establishment) Bill, 2019” kan la hmasa ang a. Tunah bill neitu Pu Zoramthanga, Chief Minister zahawm takin House-ah introduce phalna rawn dil se, i lo sawm ang.

Pu ZORAMTHANGA, CHIEF MINISTER : Pu Speaker, i remtihna leh House phalnain “The Mizoram Protection of Interests of Depositors (in Financial Establishment) Bill, 2019” hi introduce ka rawn dil e.

S P E A K E R : Kan Chief Minister zahawm tak, a changtuin introduce a rawn dil a, kan remti em? Awle, kan remti a.

Tunah chuan a bill neitu kan Chief Minister zahawm tak House-ah introduce turin i lo sawm ang.

PU ZORAMTHANGA, CHIEF MINISTER : Pu Speaker i remtihna leh House remtihna ‘The Mizoram Protection of Interests of depositors (in Financial Establishment) Bill, 2019’ chu he House ah ka rawn introduce e.

S P E A K E R : Kan Chief Minister zahawm takin rawn move nghal turin i lo sawm ang.

PU ZORAMTHANGA, CHIEF MINISTER : Pu Speaker, he kan Bill hi a pawimawh khawp a. Mizoram hian kan tuar a, he mi kan neih that loh leh tum anga kan hman theih loh avangin. India rama State dangte pawhin an tuar bawk a, helai hi kan buai tlang khawp mai a. Kan hriat angin hmanah chhiahpuam tih angte chutiang deuh thuak thuak kan tawng a, kan sum leh paite pawh kan chan nasa khawp mai a. Chuvangin, he mi a financial establishment-a kan dah a then chu financial establishment mahni a insiam chawp, rintlak tak tak si lo, mipuiin dah teuh si. Chutah a pung chu sawi loh kan dah pawh kha engtinne a awm zui tak tih ngaihtuah tham leh a then chu ral ta

mai, a chian lohzia chu sawrkar leh Court pawhin a hmaa kan chiahpuam te phei chu rel fel ngaihna pawh awm lo khawp te khan kan kal a. Keini State chang pawh kan ni lova West Bengal leh hmundangah te pawh a lian em em mai a chuvangin Protection of Interests of Depositors (in Financial Establishment) Bill a ni a, chumi kan venhimna tur, mipuite, depositors te kan venhimna tur thil a ni a a pawimawh khawp mai. Tichuan, he Dan hnuiah hian mi tupawh mimal emaw company emaw diklo taka mipui hnen atanga pawisa a pung awma lo dawnga lo khawnkhawm a khatiang ang a tih kha he Dan hian a khap a diklo taka lo tih kha. Tin, mipui hnen atanga lo dawn emaw lo khawn emaw pawh an intiamna ang ngeia a pung awma an rulh loh chuan chu pawisa khawntu mimal emaw company emaw chuan a rulh let leh ngei theih nan a pawisa neih zawng zawngte, a bungraw neih te pawh hren sak theihna dan he tah hian a awm a. He dan ‘The Mizoram Protection of Interests of Depositors’ hi 2002 khan a Act hmasa chu passed a lo ni a hman reng tawh a ni a. Tichuan, 2011 leh 2018 khan amend siamthat a lo ni tawh bawk a, a rule hi 2014 khan siam a lo ni tawh bawk a. Amaherawhchu, he Act hi ala phuisui tawk lova ngaih a ni a provision pawimawh tak Protection of Action Taken in Good Faith tih lai tel lo te. Tin, issuance of no objection certificate to financial establishment for commencement of operation etc. te leh hei hi Act hman laiah hian a lo la awm lova. He Act hman laiah hian section hrang hrang han then darh dan te hi a mumal chiah lova siam rem ngaite a ni bawk a.

Tichuan, he Act hman lai hi amend a hman zui zel ai chuan Act pumpui hi a thar a duan that a fel zawk tawh ang a tih kan mithiam te ngaihdan a ni a. Tichuan, Reserve Bank of India in Mizoram sawrkar hnena a kawhhmuh angin Assam Protection of Interest of Depositor in Financial Establishment Act, 2000, Assam in an lo neihsa tawh chumi zulzui chuan a thar law law in duang ila amendment ringawt mai a kal hi han remkhawm dawnin a buaithlak tlat mai, kan mithiam zawk ten an tih avangin a thar law law in kal ila a tha ang an ti a. Amaherawhchu, kha mi a hlui leh a thar

danglamna lai kha, a hlui kan hman pangngaia kha 2002 ah. Tin, 2004 ah rules awmin tichuan a hnuah pawh 2011-2018 ah te amend lo ni tawh mah se la tunah hun lokal leh zelah hian a tha tawk lo ni a hriatna avangin amend ngai an han amend a, tin, a clause thenkhat han siamrem dawn khan a buaithlak a chuvang chuan a tharin i ti law law ang u tih avanga hetianga bill thar hi rawn chhawp a ni a. A danglam zualna lai point 3 a awm a, chutah chuan pakhatnaah khan tih belh ngai chu protection of action taken in good faith tih lai kha a lo tel loh avangin he mi kengkawhtute kha min an khinlet a buai taka an awm loh nan helaia protection of action taken in good faith tih hi telh ngai, a pawimawh lai chu a ni a.

Tin, a phahnihnaah chuan issuance of no objection certificate to financial establishment for commencement of operation. He Financial establishment lo kal tur ten hetiang hian tih ve kan tum e an tih khan no objection kha D.C. in emaw proper authority in emaw a neih a chu mi nei tur chuan an rintlak ngei em tihna lai kha a lo awm tha tawk lova. Chu chu uluk takin, fimkhur takin a dawt lehah chuan telh a ni leh a.

Tin, a pathumna ah chuan khang financial establishment lo siam ve te khan quarterly return kum khatah vawili tal Dy. Commissioner, a district concern hnenah khan report an pe ang a chutah chuan a bussiness chungchang thu leh a report kha an ti tur a ni tih chung thil pawimawh tak tak pathumte chu a telh a, a pawimawh zual te a ni a. A bakah khan khawilai section emaw remfel ngai te a lo awm bawk a. Chuvangin he ta dan kan han introduced ah Mizoram Protection of Interest of Depositor (in Financial Establishment) Bill, 2019 he ta kan rawn introduced hi Bill thar angin kan rawn dah na a rei tak kan hman tawh, ammendment ngai te fel zawk a kan dah theih nan tih a ni a. Hei, kan chhiar kan chhiar a keipawh, a tul zia leh kalpui dan tur pawh kan Member zahawm tak te pawhin in chhiar hlawm ang a, Zoram hian kan van mamawh tak em ve aw tih a kha a ni a. Amaherawhchu, a copy kan nei a, detail tin te han sawi vek a ngai lo a. Tuna a salient feature kan sawiah a pawimawh zual point pathum khangte kha telhin, section thenkhat siamrem ngai laite siamin he kan Mizoram Protection

of Interest of Depositors, hi Bill thar pass tur angin avaiin ti ta law law ila ti a kan rawn chhawp a ni a. Engpawh nise, nichin a kan sawi ang khan a pawimawh zia chu Zoram tan kan hre vek a, tunhnai thleng pawhin a lo la awm leh lek lek thin a, tute emaw pawisa lo lakkhawm sak a pung tha tak nen kan ti dawn ti a eng registration ni awm tak tak nen a kal kha kan awm thin a, vairamahte pawh a nasa em em a. Chuvangin kei ni hriat awlsam danin a chiahpuam type deuh khan a kal a kal mai a. Chuvangin hei hi a pawimawh em em mai a, strict taka a kengkawhtu ten a an kenkawh theihna turin dan pawh uluk takin, fumfe takin an theih ang tawk a kan mithiam ten an han siam leh Assam in a an lo neih nen a entawn a Mizoram tana a tul ang chi siam thani he Bill hi kan han siam a, kan rawn introduced a ni. Kan Member zahawm tak ten min sawipui a, min pass pui a, khatia kan ramin a kan hman kha a tul in kan hria a. Chu chu Pu Speaker, ka rawn move na a ni e. Ka lawm e.

SPEAKER : Awle, Chief Minister zahawm takin Bill put luh chhan te, a chhung thu te a rawn sawifiah a. Kan sawiho ang a, minute engzat nge ni ang kan in pek leh ang le? Minute nga rawtna a awm a, a tha mai em? Minute nga ti ila eng emaw han thahnem ngai zual laklawh te chu kan hrethiam mai ang a. Nih leh minute nga han ti leh ila, tunge han sawi hmasa ber ang le? Dr. Vanlalthlana, Member zahawm tak sawi hmasa ber turin i sawm ang.

Dr. VANLALTHLANA : Pu Speaker, ka lawm e. Nia, sawiho lo a han pass mai kha a tha viau naa sawi loh hi kan ui deuh a. He lam pang hi ka kal ve na zawng a nia, kan Chief Minister zahawm takin hetiang a Bill a rawn pu lut pawh hi a lawmawm ka ti a. Hmanni lawk pawh khan Police Officer training ka pe a, hetiang chungchangah hian. Ka tuina zawng te ani a, kan lo chhiar a. Section 2 clause G kha Companies Act, 1956 a la in ti a, Companies Act hi tihdanglam a ni tawh a, Companies Act kha 2013 a ni tawh a, kha kha tihdanglam ngai niin ka hria a.

SPEAKER : Phek engzat laiah nge ni?

Dr. VANLALTHLANA : Section 2 clause G ah khan, a tlar thumna ah khan. Under the Companies Act, 1956 tih kha a nia, kha kha 2013 a thlak

tur a ni ang a. A bak a hi chu a tha ka ti khawp mai a. Kan lo buaipui ve nasa tawh a, a NEREFs ang zawng ten, thil ka hmuhchhuah, han ti ila, kan tawn ve tawh ah kan Police ho hi intensive training an mamawh zual viauin ka hria a. Economic Offences Wing, CID a mi te nen sawn kan inbia a. Kei a tei peih ngang hi ka ni a, ka va report thin a, hei hi tih a ngai e kan tia a changin keimah ber hi pawisa dah tur angin ka in sawi a, tichuan CID lamah an thil min thawn leh kan titi ho na ka va thawn leh a. Ti khan manchhuah a mual te kan lo nei ve tawh a. Training an mamawh khawp mai a, helam pangah hian phai lampang te a bik taka han kal tir a han tih tir te kha a tha ka ti khawp mai a. Tin, hei, Financial Establishment tih kha Section 3 ah khan a awm a, NOC neih ngei ngei tur a ni tih te a ni a. NOC nei lem lo a lo kal hi an awm thin a, chung ho chu buaina siamtu hi an ni mah zawk a. He mi zawn chhuah kawngah hian tan a ngai khawp mai a. Hmanah Thakthing vengah Angel Broking tih kha an awm a, a tlanchhe tawh nghe nghe a, a titupa kha. Ka va kal a an Certificate ka zawt a, chutah chuan a photocopy/xerox copy min hmuh a, a original min pe thei lo a. SEBI lam atanga rawn kal hruai ka tum a, ka hman lo a ti deuh tlat a. Amaherawhchu kan han chhui deuh ah khan an buai chho a, an tlanchhia te kha an ni leh a.

Tin, KD MediClaim thin kha KD Infrastructure an in ti a, kan lenglut leh a, a dan dik takin kan kal e, an ti a. RBI atanga Certificate an neih ka zawt a min pe thei lo a, Company registration te min hmuh a, tikhan mipui an lo bum kual mai mai a. Vai thenkhat phei chu mimal taka kal a han petchhuah ve deuh te kha ka nei a ni, kan ngur khum ve deuh a. Min zuam khawp mai a, hmundang atang a rawn kal ho ten. Mizo leh mizo pawh kan in zuam tawn a, tunhnai lawk ah pawh buaina tawk te kan awm a ni a. Tin, NEREFs kan hria ang a, heng te pawh establishment pangai, RBI hriatpui a ni a. Amaherawhchu vawithum ka kal ah an interest rate ka zawt lui a 2.5 % per month in min hrilh thin a. RBI danah hian interest rate reng reng hi annual rate tlukpui tur a ni a, chu chu zaa 26 a ni an website ah pawh. Khatiang khan a dan dik taka kal pawh khan mipui an lo bum nasa a, Session hmasa pawn ka sawi tawh a, a dan dik taka kal si vaibelchhe 20 chuang ti chingpen, Police in an veh mek te a la awm a. Chuvang chuan he Bill hmang hian education lamah te pawh aniang chu savings and investments lamah awareness nasa tak

kan inpek a ngai in ka hria a. Interest a san poh leh a risk a sang tih tal hi tarlan tam a ngai in ka hria a, chu chu kan sawi a ni a. He bill hi tha ka ti a, pass ngei tha ka ti e.

SPEAKER : Member zahawm tak Dr. Z.R. Thiamsanga i lo sawm ang.

Dr. Z.R. THIAMSANGA : Pu Speaker, ka lawm e. Hei, he Bill pawimawh tak mai, kan Hon'ble Chief Minister, Finance Minister ni bawkin a rawn pu lut hi sawiho lova pass mai chi chu a ni a. Amaherawhchu, kei pawh hian sawi ve hrim hrim ka duh a. Tun hma a chiahpuam te pawh vawiin ni thlengin la tih fel loh a ni a. Desire tih te, Corona tih te an rawn chhuak a. Zawlbuk Estate te an ti a. Mizo te hi a mak khawp mai a, mi fing tak tak, intellectual group te pawh hi miin an rawn tih fo hi chuan lo awih mai hi a awl a. Chuvang chuan kan thingtlang mi, mi mawl tak tak tan phei chuan interest a tha si a. Thla hnii khat chhung lek an han pe a, khati khan an tawp san leh thin a. An neih zawng zawng lo dah te an awm thin a. Hei hi a pawi khawp a ni.

Tuna Bill rawn put luh hi a lawmawm ka ti a. Mimal ang tak pawhin kan lo hman lo thin a. State Bank a dah mai te a lo har a. Mi awiawm tak tak nen an rawn collect a. SBI nen lehkha felfai tak nei ang te khan an in sawi a. Lo awih mai kha a awl khawp mai. Kei ngei pawh hi a tuartu ka lo ni tawh a. A dik lo khawp mai a. Kan hman loh avang hian kan lo deposit leh mai thin a. Pu Speaker, Awareness pawh hi kan neih that tawk a ngaiin ka hria a. hetiang thawm a awm hi chuan rik vat a ngaiin ka hria. A bik takin kan thingtlangah hian awareness kan nei tha tawk lovin ka hria.

Mi pakhat ka hriat phei chuan a neih zawng zawng, kum tam tak a lo khawl tawh kha a han deposit a, ti khan a thamral ta mai kha a ni a, a pawi a ni. Chuvang chuan he Bill pawimawh tak a rawn pu lut hi a lawmawm ka ti a. Pass ngei turin ka rawn rawt a ni. Ka lawm e.

SPEAKER : Member zahawm tak, Pu Lalduhoma sawi turin I lo sawm ang.

PU LALDUHOMA : Pu Speaker, kan House Leader zahawm takin amendment ngai a rawn put luh hi a vai hian ka support a, a tul a.

Amaherawhchu, amendment mai ni lova, re-draft ang hiala kan dan hmasa han thlak hlawk ngaia a han awm hi chu a zia lo chu ka ti deuh a. Bill hi kan pass atanga veilo te ah hian kan amend leh a. Committee on Subordinate Legislation te pawh hi a active vak hleih theih a ni lova. Kan term hi a lo tawi a. A pumpui a thlak ngai dan kan han nei kha a zia lo deuh hlek ka ti a, mahse a tul si a.

He Bill-ah hi chuan DC in No Objection Certificate a pek hma in SP in enquiry a ti vek tur a ni tih te a ni ta thlap a. Chumi hnu chuan Securities and Exchange Board of India ah te, RBI ah te leh a tulna hmun dangah te a refer leh tur a ni a. Tichuan, Companies Act hnuiah te a nih tak thlap avangin in bumna hi a reh deuh tawh torah ngai ila. Khatiang thil a complain a lo kal khan ni 90 chhungin Government ah hriattir tur a ni tih a ni a. Ni 90 chhunga information pek tur tih hi ka hrethiam chiah lova. Khami chhung khan investigation an zo tur a ni tih lam a kawk em aw ka ti a, ni se ka duh khawp mai. Chuti a nih loh chuan a delay leh vak mai dawn a. A Act a hian a chiang chiah lo a. A rules lamah rawn take care theih ni se ka duh khawp mai a. He dan hnuiah hian anticipatory bail lak awih loh tih te hi a tha dangdai riau in ka hria a. He mi hian kan dan hlui kha a repeal dawn a ni . Mizoram Money Lenders and Accredited Loan Providers (Regulation) Rules 2010 kha kan nei bawk a. A in hrul hle in ka hria a. Vawiin a lan pass tur hi kan neih tawh chuan, kha pawh kha a hrut tel thei em, kan mamawh lo thei tawh mai em tih te kha ka chiang ngam lova. Hei pawh hi zir chian a en zui ni se, a tul chuan repeal ve mai ni se.

Hetiang ah hian harsatna kan nei fo a. State kan nih tirh khan kan ramah Aditya Finance Investment a lo lut a, Mizoram khaw lian zawng zawng ah chuan office an nei vek a ni. Vanduaithlak takin khati laia kan Chief Minister khan fake an ni tih kha a lo hre lova. Lehkha tha deuh mai a lo ziahsak a. A frame an siam a. An office tinah khan an tar lehngthal a. Kha khan mipui kha a hip ta a. Pawisa kha vaibelchhe tel an deposit hman a ni. MP ka nih lai kha a ni a. Ka chhui ta a, a dik lo tih ka hria a. July 24, 1987 khan press conference ka ko a. Chumi tlai la la chuan an bo nghal vek a ni. Pawisa a vaiin kan hloh ta vek a. Depositors ho khan association an siam a. An zuk zin a, an zuk zawng a. An address pakhat Bombay a mi phei chu

Police Station a lo ni a. Zawn ngaihna a awm ta reng reng lo mai a. A pawi khawp mai. Chiahpuam te kan hre chho zel a. Tun hnai lawkah SBI Mutual Fund tih te pawh kan hre theuhin ka ring a, atitute pawh kha ruling lama kan hotuten in duat em em, in chhawr tanglai em em te pawh an nih kha maw le. Khang khan mi te an han bum leh thin a ni a, a pawi khawp mai.

He dan leh Mizoram Employment Agency Act 2015 hi in kaihhnawihna nei deuh a ka hriat avangin han sawi tel deuh ka duh a. Tuna kan Bill Clause 4 (3)-ah hian ‘Within and outside the State’ tih hi a chuang a. Outside the State hian khawi nge a huam? Zoram pawn kha chu khawvel pumpui a ni mai a. Khatah khan kan pass tur dan hian thuneihna a keng thei dawn em ni? Overseas te hi State subject a lo ni bawk si lova.

Tunlaiin Merchant Navy ah te kan thalaiten harsatna tam tak an tawk a. Kan ramah hian Ministry of Overseas India Affairs hriatpui loh, kan sorkarin a hriatpui si, phalna a pek si an awm tlat a ni. DG Shipping in a approve loh Institute leh Academy ah te kan thalai te an tir a. Pawisa tam tak tak an la a. Hei hi investment ve tho a ni. A then te chu Goa ah Japan ho lawng lian iron ore phurtu Barge ah te an hnutchhiah mai mai a. Mangang takin an awm a. India ramah hian heng ang Approved Institute hi 150 lai kan nei a. Kan ngah tehlul nen, kan han thlan hi approve loh, a fake, illegal, an zir chhuah hnu pawh a placement hmuh tur awm mang lo ah te kan in tir a. Corporate Fraud Watch an tih te chuan heng chungchangah hian kan sorkar hi eng ang nge a nih tih a rawn zawt fiah hial tawh a. NDTV ah te leh Indian Express ah te pawh mualpho takin kan ram chungchang hi chhuah chuai chuai a ni tawh a ni. Kan sorkarin MOU a sign pui meuh te, official website a pek hialte mahse Central sorkar a hretu tur ten an hriatpui ni si lo te, an operate a kan ramah hian. Zofa Society of Emirates ten tun thla ni 3 khan press conference an nei a, heng agent hote hi tu tu te nge an nih tih pawh min hrilh a nih kha. Pu Speaker, helai floor-ah hian tu tu te nge an nih tih chu ka sawi lo ang a, a tul ka ti lova. A tawpna ber a ka sawi duh chu kan thalaiten rual awt a, Myanmar ah chuan Mizo thalai te ASEAN countries –ah te leh Middle-East ah te an thawnchhuak nasa em em a, an hmu ve a kan thalai te hian chungah chuan eng eng emaw investment tur a lo awm a, pawisa chuti zat an ti a, ka hruai ang che hna ka hmuhsak ang che an ti a, ti khan an kal a, tichuan bumin an

awm a, kan sorkar leh kan Youth Commission te pawh hianin an bengvar tur a ni a, an thlithlai tur a ni a, heng te hi mi diklo an ni e tih te pawh hi information mipui min pe zung zung tur hi a ni a, zawh chawp te hi kan ngai a, nawr kal te hi kan ngai tlat thin hi a pawi khawpin ka hria a. Min veng tur ber a kan ngaih kan Youth Commission te pawh a dik takin hmanni lawkah NIAS Kolkatta a thalaite thawn thuah nasa takin kan mualpho tawh a. Tun hmain kan thalai rual 500 lai Punjab-ah kan tir thlawn tawh bawk a, sawi tur tam tak a awm. Training provider tha si lo te kan rawih chak zawng a ni fo mai. Chutiang chu a ni a, fee sang tak tak te an la a 3 lakh te an la a, mi pakhat atangin, chu chu a nih avangin vawina Bill lo lut hi lawmawm ka ti a . A enforcement lamah hian tan la i la awareness hi mipui pe tha tawk bawk i la. Tichuan a kaihhnawih a Dan kan lo neih Money Lenders Reputation Rules kan tih ang chi rules kan lo neih tawh te pawh kha a hrut tel theih a, a repeal tel theih dan te a awm phei chuanin, repeal ni bawk se la. Dan neih duah te hi a lo buaithlak a, a famkim tha hlein ka hria he kan dan hi. Hei hianin khang zawng zawng kha a rawn take care thei turah ka ngai a, ka support a ni e, ka lawm e.

SPEAKER : Member zahawm tak Pu Vanlalhlana i lo sawm leh ang.

Pu VANLALHLANA : Pu Speaker, ka lawm e. Tawite in support thu han sawi ve ka duh a, Bill pawimawh tak a ni a. Hemi Bill leh Bill dang reng reng kha Inrinni zanah kan hmu a, a tuk Chawlhn a ni a, Thawhtanni a ni a, Thawhlehniah Session tan a ni a vawin Nilaini kan lo thleng a. Uluk taka zirna hun a awm lo khawp mai a Pu Speaker, hma deuh hlein hmu i la chuan chipchiar deuh hlek pawhin Bill ngaihnuah tur reng reng hi a zir hman turah ka ngai, duh aiin hun a chep deuh hlek tih kha kan sawi hmasa duh a.

Vawiina kan Bill hi a pawimawh khawp mai a Mizo tawng a kan hriatthiam dan tur chuan chiahpum venna ti mai ila a dik thei awm e. Khawvelin a buaipui chin pawh a awm a hetiang chi hi. West Bengal leh India ram hmun hrang hrangah nasa takin buaipui a ni a Rosevalley scam tih te Saradha scam te a zau leh deuhah chuan Ponzi scheme an ti a khawvel hmun dangah pawh hetiang chiahpum style hi buaipui a ni a hetianga a venna tur dan kan han nei tur hi a lawmawm ka ti a. Statement of Object and

Reason-ah hian a lang chiang khawp mai a kan lo nei tawh a 2002-ah a famkim lo a RBI advise-na angin Assam dan entawn a, dan siam tur ang a advise a nih thute a lo lang a. Assam Protection of Interest and Depositor in Financial Establishment Act 2000 tih a ni a, anni hian 2003-ah amendment an siam a, Assam dan 2013 en leh Mizoram tun a kan Bill en hianin a inang lo nasa mai a. Classification of Chapter in the Act which need to be revised a ti a, Statement of Object and Reason-ah hian, Chapter arrangement-ah pawh fello a awmin tih fel ngai a ni tih te a ni a. Arrangement leh chapter arrangement hi Assam Depositor Law nen hian a inanglo nasa mai a. Amaherawhchu kan dan hi a tha zawkah ngai ta i la, Assam-ah chuan Section 16 tleng chauh a awm a, tun a Mizoram kan Bill neihah hi chuan Section 24 tleng a awm a, a famkim zawk te pawh a ni ang a, a lawmawm a. Engpawhnise, Mizo mipuite tan dan tha tak a ni a chu chu pass ngei a tha tih sawi lan remchangah ka rawn din chhuahpui a ni, ka lawm e.

SPEAKER : Bill a tha aniang, kan lungrial hmel riau mai. Kan Chief Minister zahawm tak wind up turin kan sawm anga, eng eng emaw sawifel ngai zeuh te a awm em, thahnemngaihna avanga han sawi te han belh se tih te. Tin, pass rawn dil nghal bawk se, i lo sawm ang.

PU ZORAMTHANGA, CHIEF MINISTER : Pu Speaker, kei ni hi, kan Bill hi kan han submit tlai nachhan hi Governor hmasa khan a remtihna kan la a, kha kha Governor thar kan nei leh si a, khami remtihna kha lak a ngai leh a, a lo zin leh bawk si a, khang te khan tlemin min ti tlai deuh a, kan Member ten min hriathiam pawh kan duh e. Tichuan kan han hriat angin kan Member zahawm tak te sawi angin Mizo tawng a sawi chuan chiahpuam in a min bum tawh lohna tur atana dan tha ber ni a kan hriat kan siam a ni ber mai a, hemi pah hian ram mipuite pawh fimkhur a tul zia kan inzirtirna leh kan in warning na a ni nghal turah pawh ngai i la. Engpawhnise hei hi sei tak ka sawi tawh lo anga, a pawimawh zia kan Member ten an sawi leh a dan chungchang thuah pawh kan theih ang leh tha kan tih ang te kan han sawi neuh neuh a. Amaherawhchu a kim lo lai leh a Bill a mi heng hi a la fiah tawk lo lai te chu a rules lo kal hunah khang te kha kan lo en anga, a rules nen chiang leh zuala dah theihna turin hma kan lo la ang a . Tichuan hei hi a mamawh a kan mamawh ngawih ngawih a nih avangin a that pawh a tha

thawkhat viauin kan ring a, fel tawk lo leh kan hun lo kal zelin a siamthat ngainia rawn chhawp chhuah chhoh a awm a nih chuan chung chu kan la siamtha leh zel turah ngai i la. Amaherawhchu, tunah chuan kan mithiam ten kan state tana tha ni a an hriat an rawn chhawp chhuah a sei pawh sei zawk a ni a. Chuvangin he kan dan kan mamawh em em Mizoram Protection of Interest of Depositor (in Financial Establishment) Bill, 2019 hi pass ka dil mai dawm em ni?. Aw le kan Speaker zahawm tak hian min pass pui turin ka dil a ni e. Ka lawm e.

SPEAKER : Tunah chuan kan Chief Minister zahawm takin a rawn wind up a. Tin, House-ah pass a rawn dil a.

S P E A K E R : “The Mizoram Protection of Interests of Depositors (in financial Establishment) Bill, 2019” chu pass remtiin remti ti rawh u le. Remti lo kan awm chuan remti lo ti ila. Kan awm loh chuan “The Mizoram Protection of Interests of Depositors (in financial Establishment) Bill, 2019. Chu he House hian lungrual takin a passed ta a ni.

PU ZORAMTHANGA, CHIEF MINISTER: Ka lawm e.

S P E A K E R : A pahnihna atan - “The Mizoram Transparency in Public Procurement (Amendment) Bill, 2019. A Bill neitu kan CM zahawm takin House-ah Introduce phalna rawn dil se la, i lo sawm ang.

PU ZORAMTHANGA, CHIEF MINISTER: Pu Speaker, ka lawm e. Pu Speaker, i remtihna leh House remtihna, “The Mizoram Transparency in Public Procurement (Amendment) Bill, 2019” chu he House-ah hian introduce ka rawn dil e.

S P E A K E R : Awle, introduce a rawn dil a, kan remti em ? Kan remti a, tunah rawn introduce se la. Tin, sawiho turin rawn move nghal mai se.

PU ZORAMTHANGA, CHIEF MINISTER : Pu Speaker, ka lawm e. I remtihna leh he House remtihna, “Mizoram Transparency in Public

Procurement Amendment Bill, 2019” chu ka rawn introduce a. Tichuan, i remtihnaik han move nghal ang e.

Hei hi chu Amendment a ni a, amend ngai laite rawn tarlan a ni a. He, “Transparency in Public Procurement Amendment Bill, 2019” hian a tum taka chu, kan sorkar hian sorkar thil lei te thianghlim tak leh lang tlang taka kalpui anih theihnau 2018 khan “Mizoram Transparency in Public Procurement Act, 2018” siam a ni a. Hei hi Vigilance Department bul tuma siam a ni a, amaherawh chu a hmang tu tur tak hi Finance Department a ni a, chuvangin 2014 ah khan, Vigilance Department ah he subject hi transfer a, he dan hi hman a nih theih nan Finance Department chuan, “The Mizoram Transparency in Public Procurement Rules, 2014” a siam zui ve nghal a. Amaherawh chu Act siam leh Rule siam inkarah khan hun a lo kal deuh a, chuvang chuan 2014 a Finance Department in Rules a siam hi a tak taka hmang tur chuan Mizoram sorkar kalphung nena inrem fuh theilo lai a awm nual mai a. Hman tak tak anih hmaa rules siam chu a pumpuia ennawn leh ni se tiin, Finance Department chuan Core Team a siam ta a. Chuvangin Rules lo siam lailawk pawh chu House zahawm takah hian Lay lovin a awm ta nghe nghe a ni. Finance Department hnuia Core Team ten uluk taka Rules chu an duana, a tul anga a kaihnawih department officers te nen pawh consultation te neiin kalpui a ni a. Tichuan Rules huapzo tak tur an duang chhuak ta a. He Rules thar duan anih lai hian thil inhlak tam tak a awm a, chungte chu ngaihtuah tel ngai an ni si a. India sorkar-in government hi market place hmanga public procurement kalpui dan tur a duan, Online tendering leh procurement kalpui dan turte. Tin, General Financial Rule, 2017 lo chhuak thar ta bawk si te, PPP Mode hmanga procurement tihte, Consultancy Firm rawih dan turte ngaihtuah tel a lo ngai ta a. Chuvangin, kan Rules duan thar hian, a Act kan lo neih sa kha a dukhawp ta lova, a Act hi amend hmasak phawt a ngai ta a ni.

Tichuan, a Rules leh Act te chu Finance Department ah vawi tam tak sawiho a siamthat ngaite siam that a nih hnu ah a Act amend turin Council of Ministers remtihnaik, Ni 24.9.2019 khan hei hi siam a ni ta a. Tichuan, hengte hi “Mizoram Transparency in Public Procurement, 2018 amend-na tura, “The

Mizoram Transparency in Public Procurement Bills, 2019” a lo tul takna chhan chu a ni a. Chuta ruahmanna pawimawh deuh deuh ah chuan: -

- 1) Section 2 (b) a hrilhfiahna, ‘goods’ tih bakah khan, ‘goods and any other goods as defined under the General Financial Rules’ tia dah belh a ni a, a danga kha chu a inang tlangpui a. Chu chu Section 2 Amendment ina a rawn tih chu a ni a. “goods” tih hrilhfiahna head a kha tlemin a rawn sawifiah leh zual a.
- 2) Tin, Section 7, ‘Tender Bulletin Officer’ chungchang thuah khan, a hlui ah khan, ‘the Government may, by notification appoint an officer not below the rank of Deputy Secretary’ tia a dah a kha, tunah chuan chiang zawkin identify ang tiin, a thlak nan “Director, I & PR may be appointed as Tender Bulletin Officer for all departments” a ti a. Tin, pahnihna ah khan, ‘Deputy Commissioner’ tih hman thin a kha, ‘District Information & Public Relations Officer’ tiin a siam chiang ta law law a. Chuti a nih chuan, Section 8, ‘Publication of tender bulletin’ kha a lo tul tak loh avangin, Section 8, (1) leh (2) kha, he section pumpui hi omit ni rawh se, an ti ta a.
- 3) Tin, Section 10, ‘Tender Scrutiny Committee’ ah khan tlema tih danglam deuhna lo awm ta chu, “Tender accepting authority shall constitute a Tender Security Committee consisting of such person or persons as it may deem fit to scrutinize the tender, the member of the Tender Scrutiny Committee may defer from case to case depend upon the nature and procurement’ tiin, a hlui kha a rawn thlak ta a.
- 4) Tin, Section 11, Opening tender chungchang thu-ah khan, (1) ah “Procuring authority may authorize the Tender Scrutiny Committee or any other officer to open the tenders and draw the list of tenderers responding to the notice inviting tender in this case” tiin a hlui kha thlak ni se tih a rawn rawt bawk a.
- 5) Tin, Section 13 ah khan, heti zawng hian thlak ni se, a in ang thuak naa, “the tender accepting authority shall, after following such procedure as

may be prescribed pass ordered accepting the tender and shall communicate the information relating to the acceptance of tender together in comparative analysis and reasons for accepting tender. It provided that where tender accepting authority consist of a single officer with due to retire within the next six months from the date fixed for its acceptance for tender shall not act to accept the tender without obtaining prior approval of the Government” tiin head siamfel ni zawk ta se la tih a rawn rawt ta a ni.

Chutianga he kan dan (Act) amend a lo nih hian Rules changtlung tak a neih phah dawn a. Chutianga Rules tha tak kan neih chuan sorkar thil lei kawngah lang tlang (transparency) a lo tha lehzual dawn a. Rem leh rem lova mahni firm duhzawng dawr tum tlat thin te a ti bo thei ang a. Mipui tana tha thei ber tur angin he Public Procurement hi kalpui theih a ni dawn a ni, tiin tuna Amendment kan chhiar chhuah pawimawh zuala te kha tuna Amendment Bill-ah hian kan rawn sawite an ni a.

Chuvangin, heng thilte hi Pu Speaker, kan house hian min sawipui a remchang anga min pawmsak turin heng hi ka rawn move a ni e. Ka lawm e.

SPEAKER : Kan Chief Minister zahawmtakin a rawn move a, a rawn sawifiah a. Kan sawi ho leh tawh ang a. Minute eng zat nge kan in pek leh ang ? Deputy Speaker hi a rawt chak riau mai a, 5 minutes a rawt leh a. 5 minutes kan in pe leh ang a. Tunge sawi hmasa ang? Member zahawm tak Pu Vanlalhlana a phar hmasa e. I lo sawm ang.

PU VANLALHLANA : Pu Spaeker, ka lawm e.

Tawite in, Transparency in Public Procurement (Amendment) Bill, 2019 hi a thuphungina tha a ni mai a. Amaherawhchu, point 2 lek kan tarlan duh chu Amendment Section 2 (b) Goods and any other goods as defined under General Financial Rules tih kha hemi Amendment Bill in siam hian a copy hlui a Act a kha min pe vek a. Han enkawp ila a danglamna chu Goods tih kha ‘and any other goods as defined under General Financial Rules’ tih kha belh a ni a. A dang hi chu a hnuaia mi zawng zawng hi a in ang vek a. Belh a chu ‘as defined under General Financial Rules’ tih chiah kha a awm a ni. Amaherawhchu, Financial Rules in Goods a define na a kha a lang lo

thung si a. General Financial Rules in Goods a define na chu ‘ pattern goods include all articles’ a ti a, ti khan point hrang hrang kha thui vak lo kha tlar hnih tlar thum han belh mai se langin General Financial Rules in goods a define a kha chu a kim a ni mai.

He ti laiah hian General Financial Rules in goods a define angin a ti bawk si a, a hnuai a mi hian a fun kim ta lo a tih lai kha a pawi leh pawi loh chu ka hre chuang lova kan tarlang hrim hrim duh a.

Tin, Tender Bulletin Officer tih te hi chu a dik mai a. Director te District-ah information lampangten an han chang chawi ta a. An action an hnathawh lanna lai tak tur Publication of Tender Bulletin tih omission Section 8-na hi Bill hian a rawn omit ta daih mai a. Dan hluiah kha chuan ‘Published the same within the prescribed time in the State Bulletin, State Tender Belletin or in the District Tender Bulletin’ a ti a. State Tender Belletin-ah emaw District Tender Bulletin-ah emaw publish tur a ni, a ti ta a. Chumi publish tur a tihna lai tak a chu omission of section 8 hian a rawn kengkawh ta bawk sia. Khawiah nge an publish tak ang ? Newspaper-ah tal publish tur tih kha a lang ta bwk si lo a. Khalai kha hetia han en mai hian a langsar deuh a, kan tarlang a ni. Pu Speaker, ka lawm e.

SPEAKER : Pahnihna khan a sawifiah mai lo maw ? Dr. BD Chakma.

Pu BD CHAKMA : Pu Speaker, ka lawm e.

A hmasa in, hei Principal Act 2008 copy min sem kha a chhiar a har khawp mai, Pu Speaker. Serial no. pawh kha pen in kan ziak a, a lang miah lo a ni serial no. pawh hi. Printer hi a chhiat lutuk vang pawh a ni mai thei a. Chuvangin, copy tha min semsak thei se, a lawmawm khawp ang.

Tin, Amendment Section 10 Principal Act-ah hian minimum tender amount chu Nuai 20 tiin Principal Act a awm ta a. Mahse Amendment-ah hian tender amount specification hi pakhatmah a awm lova. Minimum tender amount chu a hna atangin eng zat tur nge tih kha, nuai 20 chunglam emaw a hnuailam emaw specification awm thei se lang chuan a tha a. Principal Act ah chuan above ₹ 20 lakh kha tender tur tih kha chiang deuhin an ziak ta a.

Mahse, Amendment-ah Section 10-ah hian a lang lo a. Kha pawh kha min ensak thei se.

Tin, Amendment Section 13-ah hian tlem sawi ka duh deuh a. Hmanah pawh sorkar hmasa a ka MOS laiin bitter experience ka nei a, Fisheries Department-ah. Hemi minimum lowest biders miin chhan tur tih kha Fisheries example atan ka pe ang a. Fingerling pakhat man chu Rs.1 lekin an chhang a nia, lowest bidder hian. Mahse, market rate zirchiang lovin lowest bidder rate ringawt lak kha chu quality leh quantity compromise na a ni a. Chuvangin, Selection Committee-ah pawh ‘lowest bidder must be selected’ tih a kha nakin zelah Mizoram bungrua quality leh quantity tan a thalo a ni. Lowest ringawt kha chu a ni thei miah lo. Market rate te hi zirchian ve a ngai. A biktakin Fisheries Fish Fingerling kha market-ah hian pakhat man pawh Rs.5 aia tlawm hian a lei theih miah loh. Mahse, hetah biders man chu pakhat Rs.1-in khawiah mah a awm lo. Chuvangin hetiang quality, a theih tlat loh a quantity tih danglam loh chuan supply hi Scrutiny Committee pawn nakin zelah lowest biders ringawt thlang thei lovin reasonable rate, market rate zirchiangin lo select thei se. Danah hian chiang taka ziak awm thei se chuan a lawmawm khawp ang. Pu Speaker, ka lawm e.

SPEAKER : Member zahawm tak Pu Lalduhoma I lo sawm leh ang.

PU LALDUHOMA : Pu Speaker, Act hi kan han pass phawt a hetah, chumi hnuah chumi behchhan chuan Rules a lo piang thin a. Vawiinah erawh chuan Rules an han siam an han siam a, Act siamthat a ngai a ni an rawn ti thung a, hetiang hi ka hriat vawikhatna a la ni. A tha tho a, a Rules an han siam an han siam khan a Act-in a daih ta lo a, hetiang hian siamtha ang u, tih rawtna a lo lut a. Sorkarin bungrua a lei hi langtlang teh se, a tihna bill a ni mai a, a tha a, a hma ai chuan a tha sawt turah ngai ta ila. Amaherawhchu, section 4-a exemption lai hi, dan hi chu han tha thin mabsela, vawiina kan pass tur a bill-in a hetiang hian tih tur a ni a tih ang zawng zawng kha section 4-ah hian a ngai ve lo tur/exemption kha a rawn siam ta a. Chutah chuan natural calamity te a lo tel a. India ramah pawh tui te a lo lian a, khatiangah khan sorkarin thil a procure chiam chiam a, eirukna nasa tak a involve fo a, mi tam tak an hmingchhiat phah a. Chuvang chuan, miten chhiat an tawh laia

sum siam nana lo hman tur remchang deuh mai helaiah hian a short cut a awm a, a tul tho chu a ni si a, hei hi fimkhur chhoh chu a ngai mang e aw, ka ti a. Tin, a tak taka kan hriatah hian he dan hi kan neih sa reng chung hian kan procurement hi a transparent/a langtlang tawk lo a. Helai exemption hnuia single source a tihte hi advantage la thiam deuh deuh Department an awm a, Official-te an awm a ni. Exclusive rights nei han tihte leh reasonable alternatives a awm loh chuan han tihte hi, hemi pawt sawi hian thil procure a ni thin a. Hmanni lawkah pawh Assembly-a Committee pakhat chuan chutiang chu nasa deuh mai kan hmu a. Khami an supply tur material-a kha company dang pawhin an siam ve theih tho, an siam ve teuh si a kha hemi chauh hian an siam thei e tiin item 2/1 lek example-ah rawn dahin a phenah khan item dang kha an dah ta teuh mai a. Chutiang te chuan an la ti hram hram a. A pawi khawp mai a. Tin, tender-te hi a langtlang tur a ni kan tih rual hian hre ve lo te, tute emaw chauhina an hriat turte zawnga tihte pawh hi a la awm fo a. Tin SPAB emaw, DPAB emaw, sanction lak tur tih a hun laia lak loh, engkim an tihfel vek hnuia ex-post facto sanction lak hi a tam em em bawk. Hetiang vang hian kan dan tha tak kan pass pawh hi a hmannaah hian a nih tur ram min thlenpui lo thin hi a pawi hle mai a. Engpawhnise, khangte pawh kha kan nekchep chho deuh turah te pawh ring ila. Kan hriatchian duh deuh chu Section 13 lai amendment kha, Officer-in tender a hawn ni atanga chhiara thla 6 chhunga pension tur kha chuan sorkarah phalna a dil tur a ni han tih lai kha, thla 6 lek hun a la neih lai khan diklo deuhin a che dawn ang tih kan ring a, pawisak a nei tawh mang lo ang a, a pension tep tawh si a tih thil a dah emaw ni dawn le, khalai kha min han hrilhfiah deuh hlek thei ang em tih kha ka han zawt pah bawk a ni. Ka lawm e.

SPEAKER : Sawi duh kan la awm em? Awle, kan sawihona kan duh tawk a nih hmel e. Tunah kan Chief Minister zahawm tak rawn wind-up-a, eng emaw sawifiah ngai a awm chuan chungte chu rawn sawifiah se la, tin, pass rawn dil bawk se. Tunah i lo sawm ang.

PU ZORAMTHANGA, CHIEF MINISTER : Pu Speaker, ka lawm e. Kan sawifiah duh chu Section 8 kan han omit nachhan kha, khang kha a rules-ah dah mai ni zawk sela tih a nih avangin Section 8 kha a rules lama tih turin chiang taka a lo kal theih nan tih a ni a. Chuvangin, a publication leh thil

dang zawng zawng pawh kha rules-ah chiang takin dah tum a ni tih kha kan sawi duh a.

Tin, chu lo lehah chuan Pu Duha sawi kha, mi a retire hma ruk hmaa mi chuan permit a la tur a ni tih lai a kha eng emaw thil a chhan chi hrang hrang pawh a awm thei a. Amaherawhchu, chung zingah chuan a pawimawh tak mai dinhmuna a din lai a heng tender kan han koh leh thildang han tiyah hian a lo tlai a, a titu kha a lo pension hmanin, khang kha thil awm thei a nih bawk avang leh a chhan dang dangte avang bawkin permission kha an neih zet loh chuan tih nen kha kha dah a ni a.

Tin, chu lo leha kan sawi leh duh chu, Dr. B.D-a han sawi kha a dik khawp mai a. PWD-ah pawh kan buai tak tak a, a solve dan tak pawh hi kan la hre lo a. Lowest, a chhang hniam ber lak tur kan han ti a. Tender hi 50% below-a chhang te an awm a ni. Khang kha chu pe ila, ka chawk buai ve hrim hrim dawn tih ang chiah a ni a, a thawh theih loh reng reng a. 27% below-te an awm a, a buaithlak em em mai a. Lowest ringawt kha a dang formalities leh thildang ziak dik thlap si a, han ngaihtuah reng reng pawha a ni lo tih hriat reng si kha kan tawng zauh zauh mai a. Tichuan, court-ah kan kal a, court khan 5% variation, 5% above emaw, 5% below emaw, hian awm mai se, tih ruling tender thenkhata a lo tih kha kan han zui deuh a. Amaherawhchu, khatih lai khan Department ti mai ila, chi hrang hrang hian kaihruaina an lo nei a. PMGSY lama ruling kha a dangah khan a lo inmil mang bawk si lo a, hei hi tun thleng a India rama min tibuai bertu pakhat chu a la ni. Entirnan, a logic zawng pawhin ti ila, a nih leh 5% below-a chhan kha accept theiha in ngaihna chin a nih chuan, entirnan, 5 aia hnuai hretin 6.99, a nih loh leh 4.99, khang kha ni ta se la, accept theihah ngai em, a difference a tlem em mai, kha kha chu 0.1% vel a ni a, kan ngai e ti ta ila entirnan. Khami kha in ngaih chuan khami aia tlem a hnuai deuh kha awm ta se la, tlem a hnuai deuh kha awm leh ta zel se la, chutiang chuan 27% below te, 50 % below te kha engah nge an justified loh bik ang, tih kha a laiking meizuih tan na tur hi a awm hlei thei lo a ni. Chuvangin kan buai khawp maia, sawrkar lam pawh hi an buai a ni. Chumi avang chuan tuna in ti chhin ang u kan tih chu khang zawng zawnga kha, kumin a rate te, nikum hmasa a rate te, market rate te a lo danglam a. Thil man a lo to chho zel a, kum thum hmalama kan schedule of

rates ang kha chuan a kal theih tawh loh a, Schedule of Rates kha tih san chhoh zel a lo ngai ta a. Chumi a nih chuan tuin emaw kan tawng an huat thu suhah, technical knowledge pawh nei si loin hemi rate hi ni rawh se, tih ringawt a innghat a kha chu a justification ah pawh khan a tha vakin a lang lo a. Chu ai chuan technical knowledge nei ten, ram pumin State pumin kumin ah chuan hemi ah chuan kan Schedule of Rates ah chuan hei hi ni rawh se tih a, kawng chi tin reng an ngaihtuaha hei hi workable rate pangai a ni an tih, Schedule of Rate hi chu a nihna dik takah chuan tu rorelna emaw anga hei hi a awm tawk e, tih ngawt ai chuan kha pawh kha kum 2 hnuah kum 3 hnuah up chhoh ve zel tho a ni a. A reliable ber, justification awm ze nei ber a ni ang, tih kha ngaituahnaah chuan a awm thei a,a dik pawh a dik chiah renga. Amaherawhchu kha kha pawm tur a ni tih kha Central sawrkar pawh hian an chhuah dawt bik lo a, an kalna a tekhawngah chuan lowest a hniam ber hnenah dan pangngai anih chuan pek tur tih kha a ni lo thei bawk si lova. Hei hi India ram pumpui kan buaina a ni. Engpawhnisela, kan member zahawm tak ten in sawi ang a dana chu khami ah khan a tha thei ang berin han zam mah ila, a practice a venna tur nen, a venna a kawng chi tinreng tunah pawh mi in kan tender ah chuan a chhan hniam lutuk chuan, a awm tawk tender aia a chhan hniam chuan a chhan hniamna kha eng vang nge? Justification acceptable, ti tu authority in a pawm tlak chutiang justification chu a rawn submit tel a ngai a. Amaherawhchu khami ang kha pe ila ti leh thei lo se la, security deposit ah pawh khan midang zawng zawng kha chhan remlo a hniam lutuka a tih avanga a hna a chan si chuan a security deposit pawh kha a chhan hniam dan a zirin a san loh chuan min tibuai vek ang tiin, security deposit pawh an tih hniam lutuk pek tur hnenah chuan an tih san a ngai a ni tih te kha practice ah chuan a thenah a a kal ta a ni. Hei hi kan buai tlanna pawh a ni a, amaherawhchu he kan dan Transparency & Public Procurement Amendment Bill hi kawng chi tinrengin kan han ngaihtuaha tun hma a kan neih pawh a lo kal zel a, a lo tha tawk ta lova. Rules te kan han siama kan ti zel a, kan han tih khan, a rules a tha taka kan tih dawn a, kha dan kan han exam khan a Act itself hi tih danglam a ngai a ni. Chutilochuan a rules ah pawh a tha hmu mah ila Act hi tihdanglam, tha zawka siam ngai a ni tih kha kan hmu chhuah zel a nih avangin tunah chuan a Act hi Amendment siam mai ang u, tiin hemi Amendment hi an rawn rawt ta a ni a. Engpawhnise a

rules in a rawn siam that tur leh a awmlo lai a rawn thawm tur lai kha rilru a nei chungin, chumi a a that angreng riauna chu, Act awm hmasa ho rules kha tha em em duan an han tum a,. Tha taka an duan dawn khan a rules nen khan a inmil tawk lo. Nichin a kan member zahawmtak Pu Duha sawi ang khan, Act kan pass hmasa a rules a hring ngai a ni tih ang khan tunah chuan a nu tura kha a hrin tura kha hemi a note zawk khan a rawn decide chho tlat mai. A thatna ang reng riau chu an khawih let ngun a ni. A pui hi hetiang hi a nih a ngai, a note hi hetiang hi kan beisei chuan tiang deuh a zuk sawi theih pawh a ni ang a. Engpawhnise hetia zuk sawina tur chu a rules an khel an khel khan Act hi a tha zawka kan siam phawt a ngai, chuvangin Act hi amendment i siam ang u, an ti a heti hian an rawn ti ta a ni. Chuvangin famkimlohnna leh nakin a han siamthat leh ngai te pawh chu ala awm palh thei a. Amaherawhchu tunah chuan a tak tak a khawih tu ten an thiam tawk leh tha ber ni a an hriat tun hunah chuan an rawn chhawp chhuah a nih vangin hei hi, a tha turah ngai phawt ila. Hemi transparency public in kan neih theih nan. Amawherawhchu officer-te leh mawhphurtu te leh EE in uluk taka ven erawh chu a ngai a, amah ringawt hian dan hi a inveng zolo a kengkawh tuten venpui an ngai a ni, tih kha thil chiang sa a nih avangin vawiina public procurement amendment Bill pawh hi a tha thawkhatah ngai ila. Pu Speaker, kan House hian min han pass sak thei sela kan lawm khawp ang tiin kan ngen a ni e.

SPEAKER : Awle, kan Chief Minister zahawmtakin a rawn wind up a, sawifiah ngai te a han sawifiah a, kan buk anga. “The Mizoram Transparency in Public Procurement (Amendment) Bill, 2019” chu pass turin House-ah a rawn dil a, remti apiangin ‘Remti’ ti rawh u le. Remtilo kan awm em? Remtilo kan awm chuan ‘Remtilo’ ti u la. Kan awm loh chuan, “The Mizoram Transparency in Public Procurement (Amendment) Bill, 2019” chu he House hian lungrial takin a pass a ni.

PU ZORAMTHANGA, CHIEF MINISTER : Pu Speaker, ka lawm e.

SPEAKER : Awle, ti khan vawiina kan tih tur chu kan zo leh ta a, naktuk ni 21 zing dar 10: 30 AM ah kan tan leh dawn nia.

Sitting is adjourned. 1:17 PM